

## ILUARSIISSUT

Ataatsimiititaliap 9. november 2017-imi isumaliutissiissutaa, kukkusumilli 13. november 2017-imi ullulerneqarsimasoq taarserpaa.

Iluarsiissutikkut isumaliutissiisummut ulluliussaqaq allannngortinneqarpoq kiisalu qupperneq 4-mi titarnermi kingulliup tulliani oqaatit iluarsineqarlutik, tamatumani "aqqaanillit allat" ima allannngortinneqarlutik "arlallit".

### **Nunatta Karsiata 2016-imut naatsorsuutaasa Inatsisartunit akuerineqarnissaat pillugu Inatsisartut aalajangiiffigisassaattut siunnersuut**

#### **pillugu**

#### **Kukkunersiuiinermut Ataatsimiititaliap**

#### **siunnersuutip aappassaaneernejarnanut**

#### **ISUMALIUTISSIISSUTAA**

Kukkunersiuiinermut Ataatsimiititaliap suliarinninnermini ilaasortarai:

Inatsisartunut ilaasortaq, Anthon Frederiksen, siulittaasoq  
Inatsisartunut ilaasortaq, Michael Rosing, siulittaasup tullia  
Inatsisartunut ilaasortaq, Ineqi Kielsen  
Inatsisartunut ilaasortaq, Hans Aronsen  
Inatsisartunut ilaasortaq, Debora Kleist  
Inatsisartunut ilaasortaq, Villy Olsvig  
Inatsisartunut ilaasortaq, Knud Kristiansen

Ulloq 1. juni 2017 siullermeerinninnerup kingorna Nunatta Karsiata 2016-imut naatsorsuutaasa akuerineqarnissaat pillugu aalajangiiffigisassatut siunnersuut Kukkunersiuiinermut Ataatsimiititaliap misissuataarpaa.

## 1. Aallarniut:

Kukkunersiuinermut Ataatsimiititaliaq Nunatta Karsiata 2016-imut naatsorsuutai pillugit 2017-imi maajip qiteqqunnerani isumasioqatigiippoq. Naatsorsuutinut nassuiaatit aammalu kukkunersuisut nalunaarutaannut Naalakkersuisut oqaaseqaataat tunngavigalugit apeqqutinik arlalinnik ataatsimiititaliaq Naalakkersuisunut nassiussivoq. Isumaliutissiissut una kukkunersuisut nalunaarutaannit, ataatsimiititaliap Naalakkersuisunut apeqqutaanit kiisalu Naalakkersuisut taakkununga oqaaseqaataannit akissutaannillu tigulaakkanik imaqarpoq. Allaqatigiinnermi tunuliaqutaasut Inatsisartut Naalakkersuisullu pillugit Inatsisartut inatsisaanni § 18, imm. 1 naapertorlugu ataatsimiititaliap isumaliutissiissummut ilannguppai.

### 1.2 Kukkunersiuinermut Ataatsimiititaliap suliassai

Pisortat ingerlatsinerannik kukkunersuisarnerup siunertaraa pisortat aningaasaataannik inatsisartutigoortumik nakkutilliinerup ikorfartorneqarnissaa, tassungalu ilanngullugu paasisutissanik arlaannaannulluunniit attuumassuteqanngitsunik, kinaassusersiunngitsunik tutsuiginartunillu paasisutissiisarnikkut innuttaasut pisortat ingerlatsineranni takunnissinnaatitaanerannik nukittorsaanissaq kiisalu pisortat ingerlatsineranni akisussaassuseqarnissamik qulakkeerinninnissaq.

Kukkunersiuinermut Ataatsimiititaliap pingaarnertut suliassaarfii Inatsisartut Naalakkersuisullu pillugit Inatsisartut inatsisaanni §§-ini 18 amma 19-imi allaaserineqarput. Tassani allassimavoq ataatsimiititaliap ”*Nunap Karsiata Naatsorsuutaasa Kukkunersiorneqartarnerannut Ataatsimiititaliap nunap karsiata naatsorsuutai kukkunersuisullu taakkununga oqaaseqaataat ukiumut ataasiarluni misissortassavai, naatsorsuutillu pisariaqalersitaannik Naalakkersuisunut apeqquteqarlunilu oqaaseqarfiginnittassalluni. Apeqqutit oqaaseqaatillu Naalakkersuisut akissutaat ilanngullugit Inatsisartunut saqqummiutissavai.*” Tamatuma kingorna Kukkunersiuinermut Ataatsimiititaliap pissutsinut isornartoqartissinnaasaanut Naalakkersuisunut ilaasortat akisussaasut kinguneqartitsivigineqassanersut Inatsisartut aalajangiiffigisassaraat. Aammattaq Kukkunersiuinermut Ataatsimiititaliaq Nunatta Karsiata naatsorsuutaanik misissuataarinerminut atatillugu isornartorsiuisimappat Naalakkersuisut naalakkersuinikkut akisussaasutut pissutsit iluarsineqarnissaat isumagisassaraat.

Suliassat inatsisini allaaserineqartut saniatigut periutsit suleriaatsillu Namminersorlutik Oqartussat suliassaasa assigiinngitsorpasuit ingerlanneqarnissaannut Naalakkersuisunit pilersinneqartut siunertarisatik malillugit atorneqarnersut nalinginnaasumik nakkutilliiviginissaat Kukkunersiuinermut Ataatsimiititaliap suliassami pingaarnarpaat ilaattut isigisaa. Tassunga atatillugu periutsit sakkussallu aningaasaqarnermik aqutsinermut naatsorsuutinillu saqqummiussisarnermut pingaarutillit pigineqarnersut siunertarisartillu malillugu atorneqarnerannik nakkutilliinissaq ataatsimiititaliamit pingaarnarpaatinneqarpoq. Tamanna pissutigalugu *pisortani kukkunersiuinermi ileqqussanut pitsaasunut* tunngavigineqartunut sanilliullugu ingerlaavartumik naleqqussaasarnikkut kukkunersuisarnerup ineriartortinneqarnissaa nukittorsarneqarnissaalu

Kukkunersiuinermut Ataatsimiititaliamit qitiutinneqartuarpoq. Tamatuma nassataraa aningaasalersuinermit isiginiagassat kisiisa pinnagit aammali inatsisinut naapertuunnermik ingerlatsinermillu kukkunersiuinermi isiginiagassat ilaatinneqartarnerat suli annertusiartussamat. Suliassa qarfiit taakku ingerlaavartumik ineriartortinneqarput aammalu isumaliutissiisummi matumani kukkunersuiisup avataaneersup oqaaseqaataani kaammattuutaanilu ilaatinneqarlutik.

### **1.3 Aktiaateqarluni ingerlatseqatigiiffinnut Namminersorlutik Oqartussanit pigineqartunut atatillugu Kukkunersiuinermut Ataatsimiititaliap piginnaatitaanera**

Inatsisartut Naalakkersuisullu pillugit Inatsisartut inatsisaanni nr. 26, 18. november 2010-meersumi § 19 naapertorlugu Namminersorlutik Oqartussat aktiaatilittut soqutigisaat Naalakkersuisunit qanoq isumagineqarnersut Kukkunersiuinermut Ataatsimiititaliap nakkutilliisuuffigai.

Tassunga atatillugu ingerlatseqatigiiffiit pillugit paasissutissat Naalakkersuisut pissarsiarisinnaasaasa assingunik ataatsimiititaliaq pissarsiniarsinnaavoq.

### **2.0 Kukkunersiuinermut Ataatsimiititaliap pingaarnertut inerniliussai**

Nunatta Karsiata 2016-imut naatsorsuutaasa kukkunersuiisunit avataaneersunit eqqortumik takutitsisutut, tassalu annertuumik kukkuneqaratillu amigaateqannginnerannik, oqaatigineqarnerat Kukkunersiuinermut Ataatsimiititaliap naammagisimaarpaa. Namminersorlutik Oqartussat naatsorsuuseriveqarnerat, tassungalu ilanngullugu missingersuutunik malitseqartitsilluni sulineq ingerlaavartumik pitsanngoriaateqartartoq kukkunersuiisut avataaneersut takusinnaasimavaat.

Kukkunersiuinermut Ataatsimiititaliap immikkut naammagisimaarpaa Sanaartugassanut Iluarsagassanullu Aningaasaateqarfik pillugu nassuiaat piffissaagallartillugu Nunatta Karsiatalu naatsorsuutaanut allanut ilagitillugu Naalakkersuisut saqqummiuummassuk. Tamanna sioma Kukkunersiuinermut Ataatsimiititaliamit sakkortuumik uparuarneqarpoq.

Pitsanngoriaaatit allat Kukkunersiuinermut Ataatsimiititaliap naammagisimaagai tassaapput missingersuutunik malitseqartitsisarnerup naligiissaarisarnerillu nukittorsarneqarsimanerat, kingusinnerusukkut inissitsitereqqittariaqartarnermik inissitsiterisariaqartarnermillu annikinnerulersitsisumik, naak suli taamaaliortarnerit suli annertuallaartutut isumaqarfigineqaraluartut.

Tamatununga ilanngullugu Kukkunersiuinermut Ataatsimiititaliap maluginiarppaa naatsorsuutitut ataatsimiititaliap apeqqutaanut akissuteqartarnerup pitsaanerumik aaqqissuunneqartalersimanagera. Peqatigitilluguli Kukkunersiuinermut Ataatsimiititaliap oqaatigisariaqarpaa naalakkersuisoqarfinit ataasiakkaanit ataatsimiititaliap apeqqutaanut akissuteqarnissamat piffissamik eqquutsitsiniarneq Naalakkersuisunit assut eqquutsikkuminaamat, naak piffissaqarluartoqaraluarlunilu arlaleriarluni tuavisaarisoqartaraluartoq.

Peqatigitillugu, ukiut siusinnerusut assigalugit, uteqqinneqartariaqarpoq Nunatta Karsiata sukannerusumik malinnaavigineqarnissaa taannalu pillugu nalunaarusiat pitsaasuunissaat suli kissaatigineqarmat, maleruqqusat atuuttut naapertorlugit naatsorsuutitut nassuiaatit eqqarsaatigalugit. Taakkunuunatigut Kukkuersiuiinermut Ataatsimiititaliap kaammattuutai amerlasuut kukkuersiuisullu avataaneersup kaammattuutai malinneqarsinnaassapput. Tamatumunnga ilanngunneqassaaq pissutsit amerlasuut ukiunit siuliinit uteqqiinerummata, suli ammasut. Kingullertut pingaarnertullu oqaatigineqartariaqarpoq pissutsit uparuarneqartut qaqugorpiaq iluarsineqarnissaannik nalunaarutiginninnissaa kukkuersiuisup apeqqutaanut akissuteqaatini amigaatigineqarmat. Kingullertut minnerunngitsumilli oqaatigineqartariaqarpoq kukkuersiuisup avataaneersup Kukkuersiuiinermullu Ataatsimiititaliap apeqqutaanut akissutini pissutsit uparuarneqartut qaqugorpiaq iliuseqarfigalugillu aaqqiivigineqarnissaannut ersarissumik aaqquussuussamillu ulluliinissaaq amigaatigineqarmat.

Kukkuersiuiinermut Ataatsimiititaliap ilanngullugu kaammattuutigissavaa suleriaatsit namminerlu nakkutilliisarnerit, Namminersorlutik Oqartussat aningaasaliissutinik naatsorsuuserinermullu maleruqqusanik eqquutsitsisinaanannik ikorfartuisut, nukittorsarneqarnissaaq Naalakkersuisut suli pingaartissagaat. Kukkuersiuiinermut Ataatsimiititaliap peqatigitillugu allaffissornikkut ingerlatsinermi ammasumik ingerlatsinerup nukittorsarneqarnissaaq eqqarsaatigalugu pitsanngorsaanissamut periarfissaat atuuttut, ilaatigut pisiortortarneq siunnersortinillu avataaneersunik atuineq eqqarsaatigalugit, nalinginnaasumik pingaartippai.

Kukkuersiuiinermut Ataatsimiititaliap isumaliutissiisummi matumani kaammattuutit nutaat arfineq-marluk pissutsillu arlallit Kukkuersiuiinermut Ataatsimiititaliamit eqqumaffigineqartut saqqummiuppai. Kukkuersiuiinermut Ataatsimiititaliap ilisimaaraa pissutsit kukkuersiuisunit oqaatigineqartut arlallit suliassaqarfinnut allanngoriartorfiusunut attuumassuteqarmata, ass. aningaasaqarnermik aqutseriaatsimik nutaap (ERP) eqqunneqarnissaanut, Namminersorlutik Oqartussani namminermit nakkutilleeriaatsit aningaasaqarnermillu aqutsinerit nukittorsarneqarnissaanni aningaasaqarnermik aqutsinerup periaatsip massakkorpiaq pingaaruteqassusianik erseqqissaataasumik. Kukkuersiuiinermut Ataatsimiititaliap peqatigitillugu nalunngilaa ERP-mik periaatsip pissutsit attorneqartut tamaasa ukiumit ukiumut iluarsinaviannngimmagit, pissutsilli ukiut arlallit ingerlanerini aatsaat iluarsineqarumaartut. Kukkuersiuiinermut Ataatsimiititaliap taamaattumik aamma siumut isigisumik ingerlaavartumik pitsanngoriaatit nalunaarsorneqarnissaaq siunertaralugu uparuatitut oqaaseqaatit uteqattaartuutut immikkut eqqumaffiginiarpai, naatsorsuutinik kukkuersiuiineq eqqarsaatigalugu kukkuersiuisumit avataanersumit apeqqutit kisiisa eqqarsaatiginagit, kisiannili aamma inatsisinut naapertuunnermik kukkuersiuiineq kiisalu ingerlatsinermik kukkuersiuiineq eqqarsaatigalugit.

Inatsisinut Ataatsimiititaliamut ilisimatitsissutitut pissutsit marluk immikkut eqqumaffigeqquneqarput. Tamatumani pineqartut inatsisitigut najoqqutassanik katersaateqarfimmik pilersitsinissaaq aamma inatsisilerinikkut isumasiuisarnissamut pisussaaffeqarnissaaq

eqqarsaatigalugit kukknersiuisumit kaammattuutit. Ilaqutariinnermut Peqqissutsimullu Ataatsimiititaliamut Aningaasanut inatsimmi kontumi 30.10.46-mi Qitiusumik Siunnersuisarfimmut tunngatillugu apeqqutit akissutillu eqqumaffigeqquneqarput.

Kukknersiuiinnermut Ataatsimiititaliap kukknersiuisullu avataaneersut oqaaseqaataat suliassaqaarfinni assigiinngitsuni Kukknersiuiinnermut Ataatsimiititaliap apeqqutaasigut Naalakkersuisullu akissutaannit tigulaakkanit immikkoortuni tulliuttuni sukumiinerusumik takuneqarsinnaapput. Ukiunut siusinnerusunut sanilliullugu maanna oqaaseqaatinut ilassutitut kaammattuutit assigiinngitsut ilaatinneqarput Naalakkersuisunit isummerfigineqarsimasut. Pissutsit isornavissut tamatumani pineqaratik, annerusumik suliniutissat Naalakkersuisunut isumaliutigeqquneqartut pineqarmata, taakkununga akissutit annerusumik tusaatissatut tiguneqartarput. Taamaattumik kaammattuutit akissutillu annerusumik siunertaraat missingersuutinik aningaasaqarnermillu aqutsinerup nukittorsarneqarnissaannut allanngortiterinermi ingerlanneqartumi Naalakkersuisunit aallartinneqarsimasumi pingaarnersiuiinerit atuuttut sukumiinerusumik qulaajarneqarnissaat.

### **3.0 Kukknersiuisut avataaneersut kukknersiuisut nalunaarutaanni oqaaseqaatai**

Immikkoortumi matumani pissutsit 2016-imut naatsorsuutitut kukknersiuisut avataaneersut Inatsisartunit toqqarneqarsimasut kukknersiuiinnerminnit nalunaarutaanni uparuarneqartut erseqqissarneqarput. Kukknersiuiinnermit nalunaarutit tamakkiisumik allaaserineqarnerat kiisalu taakkununga Naalakkersuisut oqaaseqaataat eqqarsaatigalugit ilanngussat innersuussutigineqarput.

#### Pingaarnertut oqaaseqaatit

Kukknersiuisut avataaneersut inerniliipput piffissamut 1. januar – 31. december 2016-imut naatsorsuutit pingaarnerusuni tamani eqqortuusut, tassa pingaarutilitsigut kukkunertaqanngitsut amigaateqaratillu, taamalu Namminersornerullutik Oqartussat naatsorsuuseriveqarnerat il. il. pillugu Inatsisartut inatsisaannut naapertuuttumik suliassut.

Inerniliineq pissutsit ilaannut makkununga oqaaseqaammik ilaqartinneqarpoq:

- Namminersorlutik Oqartussat naatsorsuuseriveqarneranni, naammassisaqarnerusalernissamik qarasaasiatigullu ingerlatsinerulernissamik suliat ilanngullugit, pitsanngoriaateqartarnerit ingerlaavartumik takuneqarsinnaasut.

Taamaattorli:

- Kingusissukkut iluarsiiisuteqartarnerit amerlassusii ernumanartoqartinneqartut.
- Nakkutilliilluni iliuusaasarsimasunut uppernarsaatit naammaginangitsut.

Pingaarnertut oqaaseqaatinut ilaapputtaaq 2016-imut ukiuumoortumik naatsorsuutitut misissuataarinnermit qulequttat assigiinngitsut kukkunersiuisumit uparuarneqarsimasut kiisalu ukiunit siusinnerusunit qulequttat sammineqaqqissimasut Naalackersuisunillu akissuteqarfigineqarsimasut. Ataani oqaaseqaatit eqikkarneqarsimapput, tassa issuaqqissaarneqaratik. Nassuiaatit tamarmiusut ilanngussani 1-5-ini ilanngunneqartuni takuneqarsinnaapput. Eqikkaanerit ilanngunneqarsimapput kukkunersiuisut/ataatsimiititaliap apeqqutaannut, ilanngussani kukkunersiuiinnermit nalunaarummi normu innersuunneqartoq atorlugu, (-) *Naalackersuisullu akissutaannut* (○):

### 3.1 Ukiumi naatsorsuutitut oqaaseqaatit

- 3.1.1. Suliffiup iluani nakkutiginnittarnermi sanngeequtit
  - *ERP-p januar 2018-imi atulerneratigut naatsorsuuserisarnermi suleriaatsit arlallit allanngussapput. Tamakkulu pissutigalugit naatsorsuuserisarnermi nalorninartoqarsinnaaneranut aaqqissuussamik nalilersuisoqarnissaanik pisariaqartitsisoqarpoq, taamatullu nalorninartunik qaangiiniartoqarnerani nakkutilleeriaatsit sorliit suliarineqarsinnaaneritut nalilersuilluni.*
- ERP-mik periaatsip nutaap atorneqalerneranut atatillugu aaqqissuussamik ajutooriataarfiusinnaasunik nalilersuisarnissamik pisariaqartitsineq qanoq qaqugulu naammassineqassava?
  - *Nakkutilliisarnerit isumannaarniarlugit atortussat massakkut ikkussuunneqaleruttorput ingerlaavartumillu atorneqarsinnaasunngortinneqartassallutik. Qaammatikkaartumik naammassisartakkat aammalu ingerlatsineq eqqarsaatigalugu nakkutilliisarnerit salliutillugit atulersinneqassapput. Naatsorsuuserisarnermut tunngatillugu aarleqqutissat misissoqqissaarnissaat ERP periutsip qularnanngitsumik 2018-ip ukiuata affaanni kingullermi aallartinneqassaaq.*

**!** Kukkunersiuiinnermut Ataatsimiititaliap ERP-mik periaatsip, naatsorsuuserisarnermilu ajutooriataarsinnaanerup tamarmiusup nalilersorlugu misissoqqissaarneqarnissaata, aallartinnissaa eqqumaffigaa.

- 3.1.2 Akissarsiat naatsorsuutitut nalunaarsoriikkat naligiissaarneri, kiisalu Sulinal aamma XAL ataqatigiinnerannik naligiissaarineq
  - *Sulinal aamma XAL-ip akornanni nuussisarnernut pisunut naatsorsuuseriaatsinik suliaqarnissamik aallartitsisoqarniarpoq. Naatsorsuinerit tamatuma kingorna naatsorsuinermit suliaqarnissami ingerlasumi ilanngunneqassapput.*
- Naligiissitsisarnermut periaatsip qaqugu ilanngunneqarnissaa naatsorsuutigineqarpa?
  - *Suliaq ingerlanissaa allaaserineqareerpoq naligiissitsisarnissavimmillu suliaq ukioq manna aallartinneqassaaq.*

! Kukkunersiuinermut Ataatsimiititaliap naligiissaareriaatsip ukiumi naatsorsuuteqarfiusumi ingerlasumi pilersinneqarnissaa kaammattuutigaa.

- 3.1.3 Akiitsullit ikilisarnissaannut piumasaqaatit malinneqanngippallaarneri
  - o *Naak ukiup nikinnerani 7 mio. kr.-inik amerlanerusut qaammatinillu 6-inik pisoqaanerusut pisassarineqaraluartut akiitsorineqartut akilersinniarnernannut suleriaatsit eqqortinneqarsimagaluarput.*

! Kukkunersiuinermut Ataatsimiititaliap akissut tusaatissatut tiguaa.

- 3.1.4 Akiligassaqarfiit aamma aningaaserivimmiittuutit naligissaarneranni inissitsikkat ammasut aalajangiiffiqineqarneranni amigaatit
  - o *Aningaaserivinni kontunut tunngatillugu DcR-imi naleqqussaasarnermut periutsit atorineqartut 2016-imi allanngortinneqarsimapput, taamaaliornikkut kontut sorliit naleqqussarneqarsimanersut, qassiunersut, qanoq pisoqaatiginersut aamma akiitsut ammaannartut qassiusinnaaneri tamakkerlugit takuneqarsinnaalersimallutik. Kukkunersiuisoqarfik takussutissanut taakkununga nutaanut isersinnaalersimavoq. DcR-imi naleqqussaasarnernit allanngornerisa kingorna kontunut aalajangersimasunut aningaaserivinni naleqqussaarnernit ingerlanneqarfianni malitseqartitseriaatsimik suliaqarluni Kukkunersiuisoqarfik aallartissimavoq.*
- Naligiissarinerimut periaaseq 2017-imut naatsorsuutit eqqarsaatigalugit atorineqarpa imaluunniit aatsaat 2018-imi?
  - o *Malitseqartitseriaaseq nutaaq ukioq manna naammassineqassaaq suleriaaserlu nutaaq malillugu 2018-imi sulisoqarsinnaalissalluni.*

! Kukkunersiuinermut Ataatsimiititaliap malitseqartitseriaatsip taaneqartutut 2018-imi ilanngunneqarnissaa kaammattuutigaa.

- 3.1.5 Oqimaaqatigiissitsinerimi nammineq aningaasaatini kontumi inissitsikkat amigartumik periuseqartut kiisalu taakkununga akuersissuteqartarnermi
  - o *Nammineq aningaasaatinut kontumi akiitsorineqartut naatsorsuutini akiitsuni suut pineqarnersut pillugit immikkut nassuiaatitalerlugu takutinneqarput. Ersarissuutitsiniarnernu matumani qulakkeerniarneqarpoq. Akiitsut tamakku oqaluttuarisaanermi ukiup ingerlanerani angusarineqartunik eqqortumik takutitsinissamik ajoqusiisussaagaluartunik iluarsiiiffiqineqartarsimapput, matumanilu namminersorlutik oqartussat taarsigassarsiarititaannut tamarmiusunut killiffimmik allanngortitsisussaagaluartunut (taarsigassarsiaritinneqartut ernialersukkatut aamma taarsigassarsiatut ernialersugaanngitsutut akilersuutitaqanngitsutullu akornanni allanngortoqaraangat). Nammineq aningaasaatinut kontumi qanoq ilinerani*

*qanorlu iliorluni akiitsunut nalunaarsorneqartunut tunngaviit akuersissutigineqartarnerat nalilersoqqittariaqarpoq, Naatsorsuuserinermullu Iltersuummi uppernarsaatissatut ilanngullugit.*

- Tunngaviit Naatsorsuuserinermut iltersuummi qaqugu timitalerneqarnissaat naasorsuutigineqarpa?
  - *Periutsit nutaat allaaserineqassapput 2017-imilu naatsorsuutit naammassineqarneranut atatillugu atulissalluni, tassalu 2018-ip ukiuata affaani siullermi.*

**!** Kukkunersiuinermut Ataatsimiititaliap ERP-mik periaatsip, oqimaaqatigiissitsinernut kontunut ilanngussuinermut tunngaviit najoqqutassat timitalerneqarnerat ilanngullugu, aallartinnissaa eqqumaffigaa.

### 3.2 Oqaaseqaatit ukiut siulliineersut suli ammasut

Kukkunersiuusumit (-), *Naalackersuisut 2016-imi akissutaannit* (○ 16) *Naalackersuisullu 2017-imi akissutaannit* (▪ 17) eqikkaanerit ilanngunneqarput:

- 3.2.1 Suleriaatsit allaganngorlugit nassuiaatigineqarnissaannik maleruagassat erseqqissaatigineqaaqqinnerat, tassa immikkoortortat ilaasa naatsorsuuserinermik iltersuut malinngimmassuk.
  - *16: 1. januar 2015-imi oqartussaaffiit allanngortinneqarnerat annertuvoq, taamaattumillu allanngortiterinerup ingerlanneqarnerani naatsorsuuserinermi iltersuut ilaannaannit tamakkiisumik malinneqarsimalluni. Sulinermi periutsinut najoqqutassat allassimasut pillugit maleruagassat Aningaasaqarnermut Naalackersuisoqarfimmit sukaterneqassapput.*
    - *17: Aaqqissuussaanikkut allannguineranut assigiinngitsunut tunngatillugu suleriaatsit suli pitsaanerulersinniarlugit sulisoqarpoq, tassanilu immikkoortut naatsorsuuserinermik suliaqartut pilersinneqarlutillu atorunnaarsinneqarniarput, taamaaliornikkut Kukkunersiuisoqarfik naatsorsuuserinermut iltersuutit pillugit nukingisaarillunilu angumerinnissinnaaniassammat*
- Suleriaatsit nutaat qaqugu eqqunneqarnissaat naatsorsuutigineqarpa?
  - *17: Periutsit nutaat ERP periutsip nutaap atulernissaanut periusissat eqqunneqarneranut atatillugu atorneqalissapput.*

**!** Kukkunersiuinermut Ataatsimiititaliap ERP-mik periaatsip, suliat qanoq ingerlanneqartarnissaannut suleriaatsit ilanngullugit, aallartinnissaa eqqumaffigaa.



- 3.2.2. Aningaasanut inatsimmi kontut akornanni nuussinernut maleruagassat, suliffeqarfinni namminersortitani patajaallisaanermut tunngaviit kiisalu naatsorsuutini angusat pillugit taaguutit pitsaanerusumik nassuiaatigineqassapput.
  - o *16: Nuussinernut maleruagassat, patajaallisaanermut tunngaviit najoqqutassiallu suliarineqassapput.*
    - *17: ERP-mik nutaamik atuilernikkut aamma kontunut pilersaarutit nutaat atulernerisigut nalunaarsuisarnissamut ilitsersuutininik suliaqartoqarpoq. Nuussisarnermut malittarisassanut, kattuttoqarsinnaanermut tunngaviit aamma angusaqarsimanermut oqariaatsit nuunnerinut susassaqarfinni namminersorlutik oqartussat naatsorsueriaasiata erseqqissumik nassuiaaffiginissaat tassunga atatillugu suliarineqassaaq.*
- ERP-mik periaatsip 2018-imi timitalerneqarnissaa naatsorsuutigineqarpoq. Tamatumunnga atatillugu kontulersuisarnissamut ilitsersuutip naammassillugu piareersimanissaa uppersarnerneqarsinnaava?
  - *17: Aap*
- ! Kukkunersuinerneq Ataatimiititaliap ERP-mik periaatsip, nuussisarnermut malittarisassat, patajaallisaasarnermut tunngavissat angusaqarsimanermullu oqariaatsit ilanngullugit, aallartinnissaa eqqumaffigaa Kukkunersuinerneq Ataatimiititaliap akissut tusaatissatut tiguaa
- 3.2.3 Akissarsianik kukkusunik tunniussisoqartannginnissaa qulakkeerniarlugu akissarsiat tamakkiisut allattorsimaffii ataavannerusumik atornerqartariaqarput.
  - o *16: Akissarsiat tamakkiisumik allattorsimaffiannik suliaasaq, tassungalugu ilanngullugu akissarsiat tamakkiisumik allattorsimaffiannik 2016 aamma 2017-ip ingerlanerani suliarinninnissamik piumasagaat pillugu isumaqatigiissut pingaarnerutinneqassapput.*
    - *17: Namminersorlutik Oqartussat akissarsialerivianni 2017-imi allanngortitsisoqarniarpoq, tamannalu aqqutigalugu sulisunut akisussaasut akissarsianut aningaasartuutininik suliaqarnerminni siornamut sanilliullugu annerusumik iluaquserneqartussaallutik. Allannguisoqarnerani ilumut sulisunut akisussaasut nakkutilliinerminnik suliaqarnerneq pillugit qitiisumiit nakkutiginninnissaa aamma iluaquserneqartussaavoq.*
- ! Kukkunersuinerneq Ataatimiititaliap suliaasaqarfiup 2017-imut naatsorsuutininut atatillugu pitsanngoriaateqarfiunissaa eqqumaffigaa.
- 3.2.4 Ukiup ingerlanerani taarsigassarsianik malinnaatitsilluni suliaqartarnerup kiisalu naligiissarisarnerup, tassungalugu ilanngullugu boligstøtte aqqutigalugu taarsigassarsiat naatsorsuutit naammassineqarnerannut atatillugu naliusunik annertuumik iluarsisuteqarnermik nassataqartartut qitiutillugit aallunneqarnerulernissaat.

- 16: *Taarsigassarsianik naligiissaarinerмик naliusunillu naliliinerмик suliaq naammassineqangajalerpoq.*
  - 17: *Taarsigassarsititsisarnerup aqunneqarnerata makkunatigut ineriartorfioqqinnissaa pillugu suliniartoqarpoq:*
    - *Namminersorlutik Oqartussat suliffeqarfifillu namminersortitat akornanni naligiissaaariuarnerit nukittorsarneqassapput.*
    - *ESU-mi BSU-milu taarsigassarsiaritinneqartunik naligiissarineq ingerlajuassaaq, INI-llu taarsigassarsiaritinneqartuni taarsigassarsiaannut tunngatillugu nakkutilliineq naligiissaarinermut nutaamut naleqqussarneqassaaq.*
    - *Ukiut 2017/2018-ikkut nikinneranni ERP-mi nutaami atortoq nutaaq alla atorlugu massakut taarsigassarsitiseriaatsip taarsernissaa sulissutigineqarpoq.*

! **Kukkunersiuinermut Ataatsimiititaliap ERP-mik periaatsip aallartinnissaa eqqumaffigaa malinnaavigissallugulu, tassunga ilanngullugit taarsigassarsianik taarsigassarsitiseriaatsinillu naligiissaaarisarnermut najoqqutassat.**

- 3.2.5 Pilersuisunut akiitsunik naligiissarineq pitsaanerulerpoq sulili sukateriffigineqartariaqarluni.

- 16: *Akiligassaqaqarfinnik annerpaanik naligiissitsisarnermik qaammatikkaartumik uppernarsaasiisoqartalissaaq taamatullu akiligassaqaqarfii minnerusut ilaannik tiguisarluni misissuisoqartalerluni.*
  - 17: *Akiitsoqarnermut tunngatillugu naligiissaaarisarnerup pitsanngortinnissaa 2017-imi sulissutiginiarneqarpoq. Taamatut naligiissaaarisarneq unamminartuuvoq, tamatumunngalu ilaatigut pissutaavoq akiitsoqartitsisoq namminersorlutik oqartussani immikkoortuararpassuarnut nassiussuisarmat, tamannalu pissutigalugu namminersorlutik oqartussani kontunik arlalinnik nassitsiffissaqarluni. Ingerlaavartumik naligiissaaarisarnissat nukittorsarniarlugit sulisoqarpoq, akiitsoqarfifillu qaammatit tamaasa naligiissaaarisalissapput.*

Periaaseq 2017-imut naatsorsuutit eqqarsaatigalugit atorneqarpa imaluunniit aatsaat 2018-imi?

- 17: *Taamatut naligiissitsisarernissamik suliap ingerlaavartumik pitsanngorsaaffigineqartarnissaa pineqarpoq. Periuseq nutaaq atorlugu allatut naligiissitsisarnerit periarfissinneqassapput aammalu akiligassallit kontui eqqarsaatigalugit taakku inatsisitigut pisussaaffittai sukanerusumik tamakkiinerusumillu takuneqarsinnaalissallutik. Taamaattumik sulineq 2017-imi siunissamilu annertusarneqassaaq.*

! **Kukkunersiuinermut Ataatsimiititaliap suliassaqaqarfup 2017-imut naatsorsuutitut atatillugu pitsanngoriaateqarfiumissaa eqqumaffigaa.**

- 3.2.6 Aningaasaliissutinik nakkutilliineq pillugu maleruagassat erseqqissaatigineqarnerat, tassungalu ilanngullugu nikingassuteqartoqartillugu aningaasaliissutitigut tunngavissat qinnutigisarnissaat. Tamatuma saniatigut naatsorsuutitut nassuiaatit imarisamikkut suli amigaateqarput, tassungalu ilanngullugit ingerlatat qaffasissusii atorfiillu inuttaqanngitsut il.il. kingunerit pillugit isumaliutersuutit suli amigaataapput.
  - 16: *Aningaasaliissutinik malinninneq (aningaasanut inatsimmi kontut akornanni) nuussisinnaatitaaneq atorlugu atornagulu takutinneqarsinnaasoq Aningaasaqarnermut Naalakkersuisoqarfiup isumaqatigaa.*
    - 17: *Naalakkersuisut missingersuutit naatsorsuutillu pillugit Inatsisartut inatsisaat malillugu nalunaarutinik suliaqartoqarnerani malittarissat nutarteriffiginissaat eqqarsaatiginarpaat.*
- Taamatut eqqarsaateqarneq naammasseriarpat Kukkuersiuiinermut Ataatsimiititaliaq ilisimatinneqarusuppoq. Naalakkersuisut qaqugu tullianik taamatut periarfissaqassasoraat?
  - 17: *Naalakkersuisut 2018-imi eqqarsaataat pillugit Kukkuersiuisarnermut Ataatsimiititaliaq ilisimatinneqarsinnaavoq.*
- ! **Kukkuersiuiinermut Ataatsimiititaliaq 2018-imi piaarnerpaamik sukumiinerusumik ilisimatinneqarnissani qilanaaraa, kaammattuutigalugulu tamatuma UPA2018-ip naammassinnginnerani pinissaa.**
- 3.2.7 Pequtit nalunaarsorsimaffiinik ingerlatsineq pillugu malittarisassat naleqqussarneqartariaqarput.
  - 16: *Pequtit allattorsimaffiannik ingerlatsisinnaanermut periarfissat 2016-ip affaata aappaani misissorneqassapput.*
    - 17: *Naalakkersuisut isumaqataaffigaat pequtinut nalunaarsuisarnernik aqutsinermi malittarisassat iluarsisariaqarmata, taamaalillunilu pigisat anginerit annermik pingaartinnerulerlugit. Taamaammat malittarisassani makku pineqassasut eqqarsaataavoq:*
      - *Pigisat nammineq atorneqarsinnaasutut itut*
      - *Suliffeqarfiiit - pigisat ataasiakkaat suliffimmut attuumassutillit aqunneqarnerisa paarlattuannik pigisat sulisut amerlassusaannut aalajangersimasunut attuumassutillit aqunneqarnerinut malittarisassanik paasiuminarnerusunik suliaqartoqarnissaa sulissutigineqarpoq.*
      - *Eqqumiitsuliat*
      - *Pigisat allat pissarsiarinerani 50-100.000 kr.-it qaangerlugit nalillit.*
- Iluarsiinissaq qaqugu naatsorsuutigineqarpa?
  - 17: *Pigisat allattorsimaffiinut ilanngussisarnissamut maleruagassat ukioq manna allanngortinneqassapput, pigisalli ERP periuseq malillugu*

*allattorsimaffinnut ilanngussisarnissamut nutarterisarnissamullu periusissat aatsaat 2018-imi atulissapput.*

! Kukkunersiuinermut Ataatsimiititaliap ERP-mik periaatsip aallartinnissaa, pequtaatit allattorsimaffiinik nalunaarsuineq ilanngullugu, eqqumaffigaa.

- 3.2.8 Sanaartugassanut Iluarsagassanullu Aningaasaateqarfimmi nalunaarsukkat naammaginangitsumik malitseqartinneqarnerat.
  - o *16: Suliassanik naammassineqareersimasunik malitseqartitsineq ingerlanneqarpoq aammalu qaammatikkaartumik malitseqartitsinertalimmik nalunaaruteqariaaseq siunissami atuutsinneqalissaaq. Sanaartornermut Immikkoortortaqarfimmit aamma Qitiusumik Naatsorsuuserisoqarfimmit peqataaffigineqartumik suleqatigiissitaliortoqarpoq, taassuma qulakkiissallugu siunissami kukkusogartannginnissaa kiisalu kukkunerit naapertuutinngitsullu paasineqareersut iluarsineqarnissaat.*
    - *17: Sanaartugassanut Iluarsagassanullu Aningaasaateqarfiup naatsorsuiffiginera naammassereerpoq, susassa qarfiullu ingerlaavartumik malitseqartitsisarfiunissaa suliarineqarluni aallartilluni.*

! Kukkunersiuinermut Ataatsimiititaliap akissut tusaatissatut tiguaa.

- 3.2.9 Ukiumoortumik naatsorsuutit naammassineqarnerannut atatillugu atortussat kukkunersiuinermut atorineqartussat
  - o *17: Atortut kukkunersiuisoqarneranut tunngaviliisut pitsaassusiisa pitsanngorteriarnissaannut sulineq 2017-imi ingerlaannassaaq. Oqimaaqatigiissitsinerup pitsaassutsimigut qulakkeerinniffiginissaa aamma sulissutigineqarpoq, tamannalu aqqutigalugu ingerlaavartumik malitseqartitsisarnermut tunngaviliunneqartoq nukittorsarlugu aamma ukiumoortumik nalunaarusiap suliarinera oqilisaaffigalugu.*
- Ukioq naallugu pisussat pilersarusiorneqartarnerata sakkutut atorineqarsinnaanera Naalakkersuisut isumaqatigaat, taamatullu aamma aqqissuussaaneq tamaat eqqarsaatigalugu atortussanut tunniussinissamut piffissarititat pingaarutillit aqqissuussamik ilanngullugit ukioq naallugu pisussanut pilersaarummut siunnersuusiortoqarniarpa?
  - *17: Naatsorsuuserisarneq eqqarsaatigalugu piussanut assigiinngitsunut atortussat suut ukiullu qanoq ilinerani suliarineqartassanersut nalunaarsorsimaffiinik ullumikkut peqartoqareerpoq. Tamakku ukioq naallugu pisussat pilersarusiornertut isikkulerlugit ukioq manna katersorneqassapput.*

! Kukkunersiuinermut Ataatsimiititaliap ukiumoortumik naatsorsuutitut aggersunut atatillugu suliaasaqarfimmi pitsanngoriaateqartoqarnissaa naatsorsuutigaa.

### 3.3 Inatsisinut naapertuunnermik kukkunersiueq

Oqaaseqaatinut siuliani taaneqartunut atatillugu inatsisinut naapertuunnermik kukkunersiueq 2015-imit 2016-imiillu ilaatinneqalerpoq. Tamanna imatut paasineqassaaq kukkunersiuinermi anguniarneqartut ilagigaat nakkutigissallugu allaffissornikkut ingerlatsineq iliuitsillu naatsorsuutitut saqqummiussanut ilaatinneqartut, aningaasaliissutitut nalunaarutigineqartunut, inatsisinut peqqussutinullu allanut kiisalu isumaqatigiissutitut nalinginnaasumillu periutsitut naapertuuttuunersut.

Kukkunersiueq annaasaqaratarsinnaanermik pingaaruteqassusermillu naliliineq aallaavigalugu tigussillattaaraluni ingerlanneqartarpoq. Kaammattuutini (➤) ataani qulequttat pineqarput, kaammattuutinullu tamanut akissutitut tigulaakkat *uiangasumik* allanneqarsimallutik:

#### Ileqqorissaarnermut najoqqutassiorneq

- Namminersorlutik Oqartussani inatsisinik malittarisassanillu malinninneq nukittorsarneqarsinnaavoq ileqqorissaarnermut najoqqutassiornikkut, Namminersorlutik Oqartussani ingerlatseriaatsinik pitsaasunik aalajangersaaviusunik.

*Maleruagassat taamaattut ileqqorissaarnissamut tunngassuteqartut siornatigut suliarineqareersimapput. Matumani immikkut peqquserluttuliortoqarnissaanut isummat aamma whistleblowerimik aaqqissuussineq maleruagassanik innersuussutinillu ilalik taaneqarput, taakkulu qitiusumik allattoqarfiup intranetiani sulisunit tamanit iserfigineqarsinnaapput.*

*Naalackersuisut ileqqorissaarnissamut najoqqutassanik allanik suliaqarnissaa pisariaqartinneqartutut massakkut isiginngilaat, taamaattunilli suliaqartoqarnissaa pisariaqartinneqassappat ingerlaavartumik aalajangiiffigisinnaajumaarlugu.*

! Kukkunersiuinermut Ataatsimiititaliap akissut tusaatissatut tiguaa

Inatsisinik najoqqutassanik katersineq, taakkununnga ilanngullugit assersuutissatut katersat, aalajangiinernik ingerlatsisimanerit, naammagittaalliuteqarnermi sulianillu ingerlatseqqinnerit inernerit il.il.

- Inatsisinik malittarisassanillu eqqortitsiniarnermik sulineq aaqqissuulluakkamik ujarlerfusinnaasunik pilersitsinikkut nukittorsarneqarsinnaavoq - periarfissaq pingaartumik

Namminersorlutik Oqartussani inuit taarseraannerujussuat eqqarsaatigalugu nalilersortariaqartoq.

*Tassunga atatillugu Kukkunersiuiinermut Ataatsimiititaliap saaffiginnilluni oqaaseqaataani ilaatigut immikkut taaneqarpoq sulisut tamarmik Namminersorlutik Oqartussat nittartagaatigut inatsisinut atuuttunut isersinnaammata aamma allaffissornikkut malittarisassat atuuttut Namminersorlutik Oqartussat intranetiatigut Nanuaqqakkut iserluni takuneqarsinnaammata.*

*Tassunga atatillugu paasissutissiissutigineqassaaq malittarisassat atuuttut assersuutigalugu Grønlandsk Lovregister Statsministeriaqarfimmiit ingerlanneqartoq saqqummersinneqartorlu aqqutigalugu suunersut takuneqarsinnaammata.*

*Oqartussaaffinnik agguasaarnerup kinguneraa naalackersuinikkut allaffissornikkullu akisussaassuseqarnerup agguataarnissaa, soorluttaarlu pisortat ingerlatsineranni suliat suliarineqartarnerat pillugu inatsimmi aamma pisortat ingerlatsinerat pillugu inatsimmi malittarisassat oqartussaaffinnik aalajangersimasumik agguataarinissaaq aallaavigalugu oqartussaaffiit immikkoortinnissaannik tunngavigineqartoq aallaavigineqarmat.*

*Tamanna tunngavigalugu pissutsit, soorlu najukkani inatsisineersunik katersat, taamaalillunilu Naalackersuisoqarfinni ataasiakkaani sammisanut aalajangersimasunut tunngasut ilusilersugaapput.*

*Naalackersuisut tamanna tunngavigalugu oqartussaaffiit agguataarnerat akimorlugit susassaqarfimmi tassani ataatsimut suliniutinik aallartitsisoqarnissaanik pilersaaruteqanngillat.*

! Kukkunersiuiinermut Ataatsimiititaliap akissut tusaatissatut tiguaa, Inatsisinullu Ataatsimiititaliamut kaammattuut saqqummiunneqartoq tassungalu akissut eqqumaffigeqqullugit.

#### Sulianik ingerlatsisut qarasaasiakkut pikkorissarnernik pinngitsooratik peqataasarnissaat

- Isumaqarpugut suliassamut tulluartaussasoq pikkorissarnerit sullissinermut nalinginnaasumut tunngasut atorfininnermit ukiumi siullermi pinngitsoorani ingerlatassatut sullissisunut tamanut atuuttariaqartut. Peqatigisaanik naliliivugut taamatut pikkorissartitsisarneq iluaqutaasumik qarasaasiakkut pikkorissartitsisarnerit ineriartortinneqarsinnaasoq. Piffissamik atorluaanermik kiisalu oqaatsitigut eqaannerusumik ingerlatsinermut sunniuteqassaaq, suliassaqarfinni attuumassuteqartuni sulisut nikerarnerujussuat eqqarsaatigalugu iluaqutaassalluni.

*Sulisulli nutaat pikkorissartitsinermut "Tunngaviusumik sulianik ingerlatsineq" pinngitsooratik peqataasarnissaat ulloq manna tikillugu suli atorneqalinngilaq. Tassanimit naatsorsuutaasimagaluarpog sulisut pisariaqartitsineq naapertorlugu pikkorissartitsinernut taamaattunut peqataasarnissaat.*

*Naalackersuisut naatsorsuutigaat periuserineqartoq tamanna ingerlaannassasoq. Naalackersuisoqarfinnili pisortaasut qanoq ilineraniluunniit nalilersinnaasariaqarpaat ilumut sulisut allaffissornikkut atugaat taamaattoq Naalackersuisunit allanngortinneqassanersoq.*

! Kukkunersiuinermut Ataatsimiititaliap akissut tusaatissatut tiguaa

Suliamik ingerlatsinermi qarasaasiap piginnaasaata nukittorsarneqarnissaa

- ESDH systemit taamaattut amerlasuut periarfissiipput, uppersaatinut nalinginnaasunut, misissugassat allattorsimaffiit, ilitersuutitut kiisalu digitaliusumik nakkutilliissutitut, sullissinerup ingerlanerani iliuutsinik uppersaattissanik pilersuisuusinnaagamik ikiuutaallutillu.

*Nalilersueriaatsinut ilitersuutinullu sulianik ingerlatsinerup tapersersornissaa siunertaralugu systemitut atorneqareersunut moduliniq allanik ingerlaavartumik ineriartortitsisoqarsinnaavoq.*

*Tamanna pillugu massakkorpiaq tigussaasunik pilersaaruteqartoqanngilaq.*

! Kukkunersiuinermut Ataatsimiititaliap akissut tusaatissatut tiguaa

Suliani inatsisinik paasinninnermut tunngasuni, aallartitatut pisinnaatitaaffiit aamma attuumassuteqartussaanninnermut malittarisassat pillugit nalornisoqarsimatillugu Inatsisilerinermik immikkoortortaqqarfimmu paasiniaasussaatitaanermut pisussaaffik

- Siulittaasup Allattoqarfiani inatsiseqarnermut immikkoortortaqq massakkut aamma siunnersuinermik ikiuunnermillu naalackersuisoqarfinnut allanut neqerooruteqartarpoq, tamannali nammineq piumassuseq tunngavigalugu pissaaq. Eqqarsaatigineqarsinnaavoq attuumassuteqannginnissamut, kiffaanngissuseqarnermut, oqartussaaffimmu akisussaanermut, sulianut aalajangiinnermut il.il. nalornisoqartillugu inatsiseqarnermut immikkoortortamut paasiniaasussaatitaanermik eqqussisoqarsinnaanersoq. Tamatumani inatsisileriffiup amerlanerusunik sulisoqalernissaa pisarsiaqarpoq.

*Oqartussaaffinnik agguaanermut ilaavoq naalackersuinikkut allaffissornikkullu agguasarnermut akisussaassuseqarnissaq, soorluttaarlu pisortat ingerlatsineranni suliat suliarineqartarnerat pillugu inatsimmi aamma pisortat ingerlatsinerat pillugu inatsimmi malittarisassat oqartussaaffinnik avissaaqqatitsinissamut oqartussaaffinnut aalajangersimasunut agguataarinissaq pillugu tunngaviliunneqartoq aallaaviummat.*

*Tamanna tunngavigalugu oqaatigineqassaaq oqartussaaffittut susassaqarfii akornanni akisussaanerup piginnaasallu agguataarneri massakut atuuttut allannortinnissaat pillugit siunnersuuteqarnissamik qitiusumik allattoqarfimmi pilersaaruteqartoqanngimmat. Naalackersuisoqarfiup oqartussaaffiini inatsisilernikkut ikiorteqarnissap qanoq pisariaqartiginera naliliiffigineqassappat tamanna oqartussaaffiit ataasiakkaat namminneerlutik aalajangissavaat.*

- ! Kukkuersiunerup Ataatsimiititaliap akissut tusaatissatut tiguaa, Inatsisinullu Ataatsimiititaliamut kaammattuut saqqummiunneqartoq tassungalu akissut eqqumaffigeqqullugit.

### Sulianik ingerlatsinerup suliffeqarfiup iluani kingusinnerusukku nakkutilliiffigisarnissaanik eqqussineq

- Piumasaqaataannigilaq pisortat nakkutilliinerini suliat naammassineqartut tamarmik misiligutinik tiguisarluni misissorneqartarnissaat. Taamatut pisortat sulianik nakkutilliisinaanerat isumarput malillugu sakkussaavoq pitsaasoq, sullissisut piginnaangorsarnerminni ataavartumik ineriartornissaat eqqarsaatigiinnarnagu aammali sullissinerup pitsaassusianik ataavartumik pitsannorsaaaniarnermi sakkutut. Misissuineq sulisumit misilittagalimmit ingerlanneqartariaqarpoq – sullissisullu suliami akuusimasut utertitsiffigineqartarnissaat atuuttariaqarpoq.

*Naalackersuisut siunissami sulisut misilittagallit sulilu misilittagaqarpiannigisut akornanni piginnaasanik ineriartortitsinerit aamma ilisimasanik avitseqatigiinnerit aqqutigalugit pitsaassusimik qulakkeerinnittarnissaq qitiutippaat. Sulianik ingerlatsinerup susassaqarfiimmu suliffiup iluani pinngitsoorani ataatsimut nakkutiginnittarnissaq isummerfigineqarumaarpoq.*

- ! Kukkuersiunerup Ataatsimiititaliap akissut tusaatissatut tiguaa

### 3.4 Ingerlatsinermik kukkuersiuneq

Inatsisinut naapertuunermik kukkuersiunerup ilaavoq ingerlatsinermik kukkuersiuneq. Tamatumani pineqarpoq naalackersuinikkut aalajangikkat sipaarniarluni,



naammassisaqarsinnaassuseqarluni sunniuteqarluartumillu ingerlanneqarsimanersut pillugu misissuineq, taakku pitsanngorsarnissaannut kaammattuutitalit.

Kaammattuutininut isumaliutit (➤) tullianiittut ilaapput, Naalakkersuisullu akissutaannit tigulaakkat *uingasunik* allataallutik:

Aningaasaliissutit qaammatinut aamma aningaasaqarnermut kontunut assigiinngitsunut agguaannerisigut missingersuutinik aqutsilluarnernerneq

- Aningaasanik inatsit aqutugalugu aningaasaliissutaasartut Namminersorlutik Oqartussani qaammatinut aningaasaqarnermilu kontunut (isertitat aningaasartuutillu) agguataarneqarneq ajorput. Uagut paasinnittaaserput naapertorlugu aningaasaqarnerup aqunneqarneranik nukittorsaataassagalarpoq – tassunga ilanngullugu missingersuutinik ingerlaavartumik malitseqartitsisarneq – Namminersorluni Oqartussani aningaasanut aqutsissutitut ilusiliussat aningaasanik aqutsinermut tunngatillugu pinngitsooratik atugassatut eqqunneqartuuppata.

*ERP-systemip nutaap atulerneranut atatillugu aningaasaliissutinik qaammatikkaartumik agguataareqqittarnissaq eqqarsaatigineqarsinnaavoq*

- ! Kukkunersuineranut Ataatsimiititaliap ERP-mik periaatsip aallartinnissaa, aningaasaliissutinik qaammatikkaartumik agguataareqqittarnissaq massakkut eqqarsaatigineqartoq ilanngullugu, eqqumaffigaa.

Suliffeqarfiup iluani isumaqatigiissutinik aqutsineq atornerullugu suliniutit anguniakkallu pillugit attaveqatigiittarnerup atornerulernissaa

- Naalakkersuisoqarfiit ilaanni angusat pillugit isumaqatigiissutit imaluunniit aaqqissuussaanermik immikkoortortat ataasiakkaat akornanni isumaqatigiissutit assingusut atornerqarput, Aningaasanut Inatsimmi anguniarneqartut piviusunngortinneranni sakkussatut immikkoortortaqarfinnut akisussaaffimmik peqartunut ataasiakkaanut tunngasut. Uppernarsaatit inatsisitigut pituttuisut pineqanngillat, kisianni ukiumi aningaasaliiffiusumi immikkoortortat suliniutissaattut aamma angusassaattut naatsorsuutigisanik naligiissaareqatigiinnermi aqutsinermi sakkussatut atornerqartussaallutik. Eqqarsaatigineqarsinnaavoq Namminersorlutik Oqartussani aningaasaqarnermik aqutsinermi nukittorsaatissatut sakkussat taamaattut aalajangersimanerusumik atornerqarsinnaanersut.

*Piffissaq ungasinnerusoq eqqarsaatigalugu qitiusumik allattoqarfik isumaqarpoq angusaqarnissamik isumaqatigiissutit aqutseriaatsillu assingusut annertusiartuinnartumik atornerqaleriartortutut isikkoqartut. Taamaammat Kukkunersuineranut Ataatsimiititaliap isummersuutaasa aamma massakkut taamatut ineriartortoqarnerata akornanni naapertuulluinnartoqartoq isumaqarnarpoq.*

! Kukkunersuinermt Ataatsimiititaliap akissut tusaatissatut tiguaa.

Suliniutit aningaasatigut aqunneqarnerisa nukittorsarneqarnerat, taakkununga atatillugu nammineq piffissamik atuinerup uuttortarneqarnera nalunaarsorneqarneralu aqutugalugit

- Eqqarsaatigineqartariaqarpoq ineriartortitsinermik suliniutinut anginerusunut attuumassuteqartuni piffissap atorineqartup aamma taassuma nalinganik nalunaarsuisarnissaq aalajangiussisimanerulluni ingerlanneqartarsinnaanera.

*Sulisorineqartut suliaannut tamanut piffissamik ataatsimut nalunaarsuisarnerup ajunngitsumik sunniutaannik Naalakkersuisut suli uppersarsaataasinnaasunik pingaarnertigut takusaqarsimanngillat, matumani sulinernut qitiusumik allattoqarfimmi sularineqartunut tunngatillugu.*

*Tamatuma saniatigut piffimmi aalajangersimasumi pisortaasup nammineq aalajangissavaa suliap ingerlanneqartup aamma piffissamik atuinerup akornanni ilumut naammattumik ataqatigiittoqarnerisooq. Immikkoortortat amerlanersaat ima aaqqissugaapput tassani pisortaasooq sulisut piffissamik atuinerannut suliaqassutsikkullu qanoq suliaqartiginerannut naammaginartumik paasisaqarsimanissaa.*

*Taamatut pingaarnertut malitassaqaqarnermik atuinngiffiusutut assersuutaasinnaavoq Aatsitassanut Ikummatissanullu Naalakkersuisooqarfik, taanna isertitat aqutugalugit suliffeqarfivoq, tassanilu aaqqissuussamik piffissamik nalunaarsuisarnissaq piumasqaataavoq.*

*Tamanna susassaqaqarfivoq ataatsimoorfiusooq, ERP-systemimi nutaami nalunaarsuinermt nalilinnik pilersitsiffiusumut sanilliullugu periarfissat eqqartorneqarsinnaallutik.*

! Kukkunersuinermt Ataatsimiititaliap ERP-mik periaatsip aallartinnissaa, naapertuuttumik piffissamik atorineqartumik nalunaarsuineq pillugu Naalakkersuisut massakut isumaliutaasa ataatsimiititaliap malitseqartitsinissaa ilanngullugu, eqqumaffigaa.

Tapiissutitut tunniunneqartut atorineqartarnerisa nalilersorluarnerunissaat

- Eqqarsaatigisariaqarpoq tapiissutitut tunniunneqartartut assigiinngitsut iluaqutaanerannik naliliisarnerup nukittorsarneqarsinnaanera, ilaatigut suliniutit sunniutaasa aalajangersimasut nalilerneqarnerannik siunertaqarluni, ilaatigut suliniuteqartut tamarmik aaqqiissutissat sunniuteqartut pillugit ilisimasaminnik avitseqateqarsinnaanerat eqqarsaatigalugu.

*....Naalakkersuisut susassa qarfiisa iluanni aningaasartuutit misissoqqissaarneqarput, tassanilu siunertarineqarpoq aningaasanik ataatsimut atuinerup nalilersuiffigisarnerata pitsanngortinnissaa. Peqatigitillugu sunniutaasut nalilersuiffiginarlugit qarasaasiatigut ilisimasanut periutsit suliarineqarput....*

- ! Tapiissuteqariaatsit eqqarsaatigalugit sunniutinik ilisimasanillu avitseqatigiittarnerup uuttorneqarsinnaanissaannut periaatsinik qarasaasiakkut ilisimasanik tunngavilinnik atuilernissaq eqqarsaatigalugu Kukkuersiuiernerut Ataatsimiititaliap sukumiinerusumik ilisimatinneqarusuppoq.

Pisarfinnut avataaneersunut pisinermi malittarisassat sakkortunerit atulernissaat

- Namminersorlutik Oqartussani pisiniartarneq ingerlaavartumik nukittorsarneqarsinnaavoq Pisiortortarnermut allaffik aqqutigalugu, soorluttaaq kukkuersiuisup maluginiarsimagaa ukiap ingerlanerani pisiortortarnermut kaajallaasitamik suliaqartoqarnissaa pilersaarutigineqartoq.

*Naalakkersuisut Kukkuersiuiernerut Ataatsimiititaliap oqaaseqaatai tusaatissatut tiguaat, tassami Naalakkersuisut Kukkuersiuiernerut Ataatsimiititaliap isummersuutaanut isumaqataammata.*

Qaammatikkuutaartumik missingersuutinut malitseqartitsisalernissaq

- Massakkut Namminersorlutik Oqartussani qaammatit pingasukkuutaartumik missingersuutinik malitseqartitsineq ingerlanneqartarpoq. Immikkoortortalli amerlasuut qaammatikkuutaartumik aningaasaqarnerminnik misissuisarput. Aqutsinermik isumannaallisaaneq nukittorsarneqarsinnaavoq, immikkoortortat tamarmik qaammatit tamaasa missingersuutinik malitseqartitsinermik pinngitsoorani suliaqartarnissaat eqqunneqartuuppat, taamaaliornikkut Namminersorlutik Oqartussani qaammatit tamaasa missingersuutit malitseqartinneqarnerannik tamakkiisumik suliaqarsinnaagaluarput.

*Namminersorlutik Oqartussanut missingersuutinut ataatsimut malitseqartitsisarnerup kvartalit tamaasa ingerlattarnissaa naatsorsuutaavoq. Naalakkersuisulli isumaqarput namminersorlutik oqartussat tamakkerlugu qaammammut ataatsimoortumik malitseqartitsisarnermik atulernissaat sulisunik amerlanernik atuinissamut ilumut iluaqutaasinnaassanersoq nalorninarartoqarsinnaasoq.*

- ! Kukkuersiuiernerut Ataatsimiititaliap akissut tusaatissatut tiguaa.

Aqutsisunut paasissutissiisarnerup nukittorsarnissaanut kisitsisitigut paasissutissaateqarnerulerneq

- Soorlu kukkunersiuisut oqaaseqaataanni tikkuarneqartoq aqutsinermi paasissutissanut tunngasut aqutsinermi atugassat annertuumik nukittorsarneqartariaqarput. Naatsorsuutigineqarpoq ERP-mik aqqissuussap, LIS-imik aqqissuussap il.il. atuutsinneqalernerisigut pisariaqartitsineq taanna ikiorserneqassasoq. Pingaaruteqarporli maluginiassallugu amigaatinik ikiorsiissutit aqqiissutaasussat kisimiillutik iluarsiisinnaanginnerat, kisianni tassunga iluaqutaasussamik ingerlatseriaatsinik pilersitsinermut aningaasaliisoqarnissaa pisariaqassaaq, uuttuinerneq nalunaarsuinerneq pisariaqartunik qulakkeerinninnissamut.

*Naalackersuisut isumaqarput ERP-systemimik nutaamik atuilerneq immiini kisitsisitigut paasissutissani tunngavigineqartut aqutsinermut atornissaanmut iluaqutaanaviangitsoq. Systemi aqqissuussaaneermigut aatsaat atorlugu siunertarisamut atornerqalerpat aqutsinikkut pitsaanagerusumik tunngaveqartillugu atornerqarsinnaalissaaq.*

*Tamannalu tunngavigerpiarlugu ERP-systemimik pilersitsineq IT pillugu pilersaarutituinnaq aallartinnagu IT-qarnerup tungaatigut kinguneqartittussanngorlugu aqqissuussaaneermigut pilersaarutit ineriartortitsiviusussatut annermik aallartinneqarsimavoq.*

*Systemi Namminersorlutik Oqartussani kommuninilu atornerqalernissaa pilersaarutaavoq, neriutaavorlu systemi ukiuni aggersuni immikkoortortanut attugaasunut tamanut aqutsinissamut pitsaanagerusumik tunngavissaqalernissamut iluaqutaajumaartoq.*

*Naalackersuisut Kukkunersiuiinermut Ataatsimiititaliap oqaaseqaatai tusaatissatut tiguaat, tassami Naalackersuisut Kukkunersiuiinermut Ataatsimiititaliap isummersuutaanut isumaqataammata.*

Piffissaq ungasinnerusoq eqqarsaatigalugu suliat aamma nukissat aqunneqarnerannik kiisalu uuttuinerneq aamma angusat aqunneqarnerannik nukittorsaanermik sulinerup ingerlaannarnissaa

- Piffissami matumani Namminersorlutik Oqartussani killilimmik suliat aamma nukissanik aqutsineq kiisalu anguniagassanik aamma angusanik aqutsineq ingerlanneqarpoq. Taamaattumik Namminersorlutik Oqartussanit uppersaruminaappoq, Namminersorlutik Oqartussani suliassat pilersitsisinnaalluarluni aamma pitsaasumik inerneqartarnersut. Piffissaq ungasinnerusoq eqqarsaatigalugu suliap taassuma nukittorsarneqarnissaanut piginnaanerit pisariaqartut, periutsit aamma sakkussat pigilernissaat anguniarlugu sulisoqarpoq.

Isumaqatigaarput ingerlatsinissaq pisariaqassasoq, ukiuni arlalinni sivissuseqartariaqartoq – kisianni innersuussutigineqarpoq suliamut tassunga nukissat pisariaqartut ingerlaavartumik pingaarnersiorneqartarnissaat, taakkua aalajangiisuummata Namminersorlutik Oqartussani aningaasaqarnermik naapertuuttumik ingerlatsinermut.

*Naalakkersuisut isumaqarput suliniutigineqartoq pisortani allaffissornerup nalinginnaasumik nutarteriffiginissaanut ilaasutut isigisariaqartoq, tassungalu ilaavoq aningaasaqarnermik aqutsineq.*

*Naalakkersuisut pingaarnersiuiinermi ingerlasumi suliaasaqarfik taanna aamma pingaartinniarumaarpat.*

**!** Kukkuersiuiinermut Ataatsimiititaliap nalunngilaa matumani pineqarmat suliniarneq ukiuni arlalinni ingerlasussa, kaammattuutigalugulu piginnaasat periaatsillu anguniakkanik angusanillu aqutsinermik nukittorsaataasinnaasut aalluttuarneqarnissaat.

#### **4.0 Kukkuersiuiinermut Ataatsimiititaliap naatsorsuutinut oqaaseqaatai**

Kukkuersiuisup avataaneersup oqaaseqaatai siuliani taaneqartut kiisalu naatsorsuutinut nassuiaatinik misissuineq tunngavigalugit Kukkuersiuiinermut Ataatsimiititaliap apeqquatinik arlalinnik saqqummiussaqqarpoq. Ataatsimiititaliap naatsorsuutinik suliarinninnermini apeqqutit Naalakkersuisunut akissuteqarfigisassanngorlugit nassiuppai. Tigulaakkani matuma kingulianiittuniittuni pineqarput apeqqutit Kukkuersiuiinermut Ataatsimiititaliamit oqaaseqaateqarnissamut tunngavissiissut. Apeqqutit akissutillu tamakkiisut ilanngussami 6-imi takuneqarsinnaapput.

Oqaaseqaatit arlallit pissutsinut qulequttanullu, siusinnerusukkut naatsorsuutinik ataatsimiititaliap suliarinninnerinut atatillugu aamma taaneqartunut, aamma oqaaseqaateqarfigineqartunut sulilu ammasunut attuumassuteqarput.

Apeqqutit immikkoortunut marlunnut immikkoortinneqarput – siullermi (4.1) nalinginnaasumik apeqqutit arlallit pineqarlutik. Aappaani (4.2) pineqarput 2016-imut Aningaasanut inatsimmi kontunut pingaarnernut taaneqartunut arlalinnut atatillugu apeqqutit. Kukkuersiuiinermut Ataatsimiititaliap oqaaseqaatai pissutsit ataasiakkaat apeqquutigineqartut kingorna allassimapput.

##### 4.1 Nalinginnaasumik oqaaseqaatit

Aningaasaliissutitigut tunngavigineqartut

Nikingassutaasumut pissutaasup naatsorsuutininut nassuiaatini nassuiarneqarnerata peqqissaarunneqarnera allaaserineqarneralu ukiup siulianisulli assut nikerartoq Kukkunersiuinermut Ataatsimiititaliamit oqaatigineqarsinnaavoq. Nikingassummut aningaasaliissutitigut tunngavissap sooq pissarsiarineqarsinnaasimanninnera nikingassuteqartoqarneranut nassuiaatini arlalinni suli tunngavilersorneqanngilaq.

Naatsorsuusiortarnermi ilitsersuummi immikkoortoq 7.3-mi – ”Naatsorsuutininut nassuiaatinik suliaqarnermut najoqqutarisassat” - allasimavoq:

*”Ingerlatanut naammassineqarsimasunut sanilliullugu pissutsit nikingassutaasunut tunngavilersuutaasinnaasut Naalakkersuisoqarfimmit paasissutissiissutigineqassapput. Aammattaaq nikingassummut aningaasaliissutitigut tunngavissamik sooq pissarsisoqarsinnaasimanninnersoq paasissutissiissutigineqassaaq.”*

Nikingassummut aningaasaliissutininut tunngavissamik sooq pissarsisimasoqarsinnaasimanninnera pillugu tunngavilersuut naammaginarthoq tamatigut paasissutissiissutigineqartariaqarpoq.

! Nikingassutininut aningaasaliissutitigut tunngavissat pissarsiarineqarsinnaannginnerat immikkut illuinnartumik pissutissaqarsinnaasoq Kukkunersiuinermut Ataatsimiititaliamit maluginiarneqarpoq. Pissutit taakku naatsorsuutininut nassuiaatini naatumik oqaatigineqarluarsimasinnaapput, soorlu aamma naatsorsuusiortarnermut ilitsersuummi tamanna piumasaqaataasoq. Aningaasaliissutitigut tunngavissat pissarsiarineqarsinnaasimatinnagit nikingassutit naatsorsuutininut nassuiaatini kontuni pingaarnerni tamani siunissami ingerlaannartumik oqaatigineqartassasut Kukkunersiuinermut Ataatsimiititaliamit kaammattuutigineqarpoq.

Atorfiit inuttaqanngitsut malitsigisaanillu sunniutit

Kukkunersiuinermut Ataatsimiititaliap maluginiarpaas suli suliassaqarfeqartoq atorfiit inuttaqanngitsut atuinermut nikingassutininut tunngavilersuutigineqartarfiinik. Atuinernut nikingassutit saniatigut pissutaasut taakkulu kingunerisat ataatsimiititaliap Naalakkersuisut apeqqutaani apeqqutigineqarput.

! Atorfinnut inuttaqanngitsunut pissutaasut ajornakusoortullu assigiinngiaarsinnaasut Kukkunersiuinermut Ataatsimiititaliamit maluginiarneqarpoq. Atorfinnut inuttaqanngitsunut tamatumalu qitiusumik suliassat ingerlanniarnaqarneranni kingunerisaanut takussutissiamik tamatigoornerusumik Naalakkersuisut suliaqarnissaat Kukkunersiuinermut Ataatsimiititaliamit kaammattuutigineqarpoq. Aammattaaq atorfiit inuttaqanngitsut

atuinerup nikingassuteqarneranut peqqutaagaangata atorfiit inuttaqanngitsut sunniutaat pillugit naliliineq naatsorsuutitut nassuiaatini allanneqartariaqarpoq.

- ! Aammattaaq atorfiit suliassallu sorlerpiaat inuttaqarsimannginersut suliassa qarfiullu suliassaasa qitiusut naammassineqarnissaannut sunniuteqarsimanersut, siunissami naatsorsuutitut nassuiaatini Naalakkersuisut erseqqissaatigisassagaat Kukkunersuinermut Ataatsimiititaliap Naalakkersuisunut 2015-imi 2016-imilu qinnuiginninnini uteqqippaa.

Pisiortornermi suliassanillu sulariumannittussarsiornermi nalinginnaasumik ammasuunissaq

Kukkunersuinermut Ataatsimiititaliap isumaliutissiissutaani 2015-imeersumi 2016-imeersumilu oqaatigineqarpoq nunatsinni inuiaqatigiit aningaasaqarnikkut unammilligassaat eqqarsaatigalugit inuiaqatigiinni immikkoortut tamarmik aningaasaqarnerminnik nammineq aqutsisariaqarnerminnik eqqumaffiginnilernissaat, taamaalillutillu pitsaannerusumik aqutsilernissaat pingaaruteqartoq. Aammattaaq Naalakkersuisut ataatsimut isigalugu aningaasanik atuneq pillugu ammanerulernissaq siunnerfeqartumik sulissutigisariaqaraat, tassungalu ilanngullugu aningaasat atukkat pillugit paasisutissat pilertortumik pisariitsumillu tamanit pissarsiarineqarsinnaanissaat sulissutigisagaat ataatsimiititaliaq isumaqarpoq. Tamanna pisinnaavoq nioqqtissat sullississutillu suut pisiarineqarnermut Naalakkersuisunit ingerlaavartumik tamanut saqqummiunneqarnerisigut. Pilersuisut nioqqtissanut ataasiakkaanut akigititaasa tamanut saqqummiunneqarnissaasa mianernarsinnaanerat Kukkunersuinermut Ataatsimiititaliamit eqqumaffigineqarmat taamatut tamanut saqqummiussinermi taarsiullugu aningaasat isumaqatigiisummi oqaatigineqartut tamarmiusut saqqummiunneqarsinnaapput. Nioqqtissat sullississutillu suut qanorlu akilerlugit pisiarineqarsimanersut tamanut ingerlaavartumik Naalakkersuisut saqqummiussisarnerisigut tamanna pisinnaavoq. Taamatut tamanut ingerlaavartumik saqqummiussisarneq ingerlaavartunngortinneqarsinnaassaaq, tamatumanimi Namminersorlutik Oqartussat allaffissornikkut aningaasartuutaasa annertuumik amerleriarnissaat siunertarineqanngimmat. Tamatumani pineqarput nioqqtissanik sullississutinillu pisiortorneq aammalu siunnersortit avataaneersut naatsorsuutini annertuumik atuiffiusutut inissisimasut. Neqerooruteqartitsisarnermut pisiniartarnermullu kaajallaasitassaq tamatumunnga atatillugu ataatsimiititaliap qilanaaraa.

Siunnersortinik avataaneersunik atuneq

Nunatta Karsiata 2014-imut naatsorsuutaasa Inatsisartunit akuerineqarnissaat pillugu Kukkunersuinermut Ataatsimiititaliap isumaliutissiissutaanut aammalu siunnersortinik avataaneersunik atuinermut atatillugu Naalakkersuisut akissutigaaat kukkunersuinermut ammanerulernissamik, tassungalu ilanngullugu siunnersortinit sullississutit assigiinngitsut nalunaarsornissaannut naatsorsuuserinermik immikkoortorta qarfiit pitsaannerusumik periarfissaqartinneqarnissaannik Kukkunersuinermut Ataatsimiititaliap qinnuiginninnera tusaatissatut tiguneqartoq.

Tassunga atatillugu Kukkuersiuermut Ataatsimiititaliaq ukioq manna aamma malitseqartitsivoq aammalu siunnersortinit sullinneqarnernut takussutissiaq apeqqutigalugu.

Siunnersortinit sullinneqarnerit pillugit naatsorsukkat ilanngussa 6-ip ilaatut ilanngunneqarput. Kukkuersiuermut Ataatsimiititaliaq naatsorsukkanut ima oqaaseqaateqarpoq:

- ! Siunnersortit sullississutaannik atuineq pillugu paasissutissanik Naalakkersuisut nassiussipput. Namminersorlutik Oqartussani siunnersortinik atuineq pillugu naatsorsuutinik nassuiaasersukkanik siunissami Nunatta Karsiata naatsorsuutaanut nalunaaruteqartarnermut aalajangersimasumik ilanngussisarnissaq siunertaralugu suliniutinik pisariaqartunik Naalakkersuisut aallartitsinissaannik inassuteqaatini ataatsimiititaliap uteqqippaa.

#### 4.2 Kontunut pingaarnernut ataasiakkaanut Kukkuersiuermut Ataatsimiititaliap apeqqutai

Tulliuttuni kontunut pingaarnernut ataasiakkaanut Kukkuersiuermut Ataatsimiititaliap kontup normua taaguutaalu nalunaarlugit apeqqutai takuneqarsinnaapput. Kukkuersiuermut Ataatsimiititaliap apeqqutai (-)-mik nalunaarneqarsimapput Naalakkersuisut taakkununga oqaaseqaataannik, *uingasunik allatanik*, malitseqartillugit.

#### 10.01.01 Naalakkersuisut Siulittaasuata Naalakkersuisoqarfia

- Atorfiit arfinillit inuttaqarsimangitsut ilisimatitsissutigineqarpoq. Atorfinnit qassinit qanorlu qaffasissusilinnit? Tamanna suliassanik naammassinninniarnernut sunniuteqarsimava, taamatullu aamma ajornartorsiut ataavartutut qaangiuttussatulluunniit isigineqarpa?
  - o *Atorfiit 6-it inuttaqanngitsut tassaapput 2016-ip ingerlanerani pisortap ataatsip soraartup fuldmægtigillu 12-it soraartut atorfissaralui. Atorfiit ilaasa inuttalerniarneri sivisusimavoq, tamannalu suliassanik naammassinninniartarnermut tunngatillugu sunniuteqarsimavoq. Unammilligassat pineqartut qaangiussimalersutut nalilerneqarpoq. Atorfiit ilai amerlasuut 2017-ip qiteqqunnerani inuttalernerqarsimalerput.*

- ! Kukkuersiuermut Ataatsimiititaliap akissut tusaatissatut tiguaa.

#### 10.10.10 Naalakkersuisut

- Naatsorsuutitut nassuiaatini taaneqarnerat innersuussutigalugu sukumiinerusumik paaserusunneqarpoq inissianik pequtsersuisarneq qanoq akulikitsigisumik pisariaqartinneqartarnersoq.
  - o *Ilassutitut aningaasaliissutit tunniunneqarnerisa nalaanni Naalakkersuisuni ilaasortanngorlaat pingasut inimik pequsersoriikkamik inissaqartinneqarnissartik kissaatigisimavaat. Qaammatialuit ingerlanerani*



*Naalakkersuisuni ilaasortat marluk isummaminnik allanngortitsipput namminneq pequtitik najugaqarfiminniittut Nuummumt najugassaminnut assartorneqarnissaat taarsiullugu kissaatigilerlugu. Taamaattumik 2016-ip ingerlanerani sulisunut inissiaq ataaseq Naalakkersuisuni ilaasortamut ataatsimut atugassanngorlugu pequsersorneqartariaqarsimavoq.*

- *Inimik pequsersoriikkamut innersuunneqarnissaq Naalakkersuisuni ilaasortat ataatsikkaat namminneerlutik aalajangersinnaavaat. Taamaattumik qanoq akulikitsigisumik pisariaqartitsisoqartassanersoq siumut naatsorsorneqarsinnaaneq ajorpoq.*

! Kukkunersiuinermut Ataatsimiititaliap akissut tusaatissatut tiguaa.

#### 10.13.10 Iluanaarutit, aktianik piginneqatigiiffinnit piginneqataasutit tunisinerillu.

- Greenland Holding A/S-imit iluanaarutinit pissarsiaqarnissaq sooq missingersuutigineqarsimava, naak tamanna sioqqullugu sivisuumik ilisimaneqareeraluartoq Pituffimik eqqarsaatigalugu kiffartuussinissamik isumaqatigiissut annaaneqarsimasoq? Iluanaarutiniq pissarsiaqannginnermut pissutaasoq naatsumik aallaaserineqartariaqarpoq siunissamullu ungasinnerusumut kingunissai naatsumik taaneqarlutik.
  - *Konto 10.13.10-p 2015 missingersuutini malitseqartinneqarnerani Greenland Holding A/S-imit agguagarsinissamik naatsorsuutigisat annikillisinneqarput, soorluttaaq GrønlandsBANKEN-imi piginneqataasutit tuninerisigut isertitaqarsinnaanissaq misissorneqarsimasoq. 2016-imi missingersuutiniq malitseqartitsinermi agguagarsinissamik naatsorsuuteqarneq isertitaqarnissamik allanngortinneqarpoq taakkulu "sillimmatit immikkoortitigaanngitsut" ataani nalunaarsorneqarsimapput. 2016-imi missingersuutiniq malitseqartitsinermi Greenland Holding A/S-imit piffissami 2016-2020-imi agguagarsinissaq missingersuutiniq ilanngunneqanngilaq, piffissamilu tassani GrønlandsBANKEN-imi piginneqataasutit tunineqarnerisigut Namminersorlutik Oqartussat isertitaqarsinnaanissaat naatsorsuutigineqarluni.*
- Ataatsimiititaliap akissut imatut paasivaa Greenland Contractors I/S-imit isertitatigut tunngavigisassat annaasat 2016-imut naatsorsuutini naatsorsuutigineqareersimasut, assigiinngissumullu pissutaasoq GrønlandsBANKEN-imi aktiaatit Namminersorlutik Oqartussanit Greenland Holdingimut nuunneqarniarnerat timitalerneqanngitsoortoq.
  - *Tamanna uppernarsarneqarsinnaavoq.*

! Kukkunersiuinermut Ataatsimiititaliap akissut tusaatissatut tiguaa.

#### 20.05.44 EU-mik suleqatigiinnissamik isumaqatigiissut

- Ilisimatitsissutigineqarpoq anguniakkanik naammassinninneq 68 %-iusimasoq, ukiunit siuliinit annikinnerulluni. Appariarnermut suna pissutaava 2017-imullu naatsorsuutigisat qanoq ippat?

- *2017-imi takussutissani 2016-imi atorineqartut assingi atorineqassapput. Angusaagallartut naapertorlugit anguniagassat 2016-imut sanilliullugu angujuminarnerussanganneqarput. Qularnanngitsumik 75 % missaaniissalluni.*

! Kukkunersuinermt Ataatsimiititaliap akissut tusaatissatut tiguaa.

#### 20.30.07 Ineqarnermt tapersiissuteqartarneq, erniat akilersuutillu, ilanngaaseriikkat

- Akilersuutit ernianiillu isertitat naatsorsuutigisamiit annikinnerusimanerat pissutsinik ataasiakkaanik nalinginnaasumilluunniit pissutsinik pissuteqarpa? Taamaattoqarsimappat sunik?
  - *Kontumi pingaarnermi ilaatinneqarput namminersorlutik oqartussat inissiaatai attartortitassat INI A/S-imit Namminersorlutik Oqartussat sinnerlugit aqunneqartut. Kontumit tassanga taarsigassarsisitsisoqaqqissanngilaq taamaasillutillu aningaasat taarsigassarsisitsinernut atugassat ukiut tamaasa annikilliarterneqarlutik. Kontumi pingaarnermi isertitarineqartartut tassaapput taarsigassarsiarititanit erniat taarsersukkallu taamaasillutillu isertitat pineqartut piffissap ingerlanerani annikilliarterneqarsassallutik.*
- Kukkunersuinermt Ataatsimiititaliap maluginiarpaa aningaasat AI2015-imiit AI2016-imut 10,0 mio. kr.-init 9,0 mio. kr.-inut ikilisinneqarsimasut, naatsorsuutinili 8,0 mio. kr.-inut apparlutik. Ilisimaneqarpat taarsigassarsiarititat akilersorneqarnerat ilutigalugu isertitat ikiliartussasut, taava sooq ukiunut aggersunut missingersuutini aningaasat taakkorpiaat – 9,0 mio. kr. – missingersuutigineqarpat?
  - *Missingersuutaasut aningaasanut inatsimmi 2018 allanngortinneqarput missingersuutit ima kisitsisitaqalerlutik:*  
 2018: 7,5 mio. kr.  
 2019: 7,0 mio. kr.  
 2020: 6,5 mio. kr.  
 2021: 6,0 mio. kr.

! Kukkunersuinermt Ataatsimiititaliap akissut tusaatissatut tiguaa.

#### 24 Akileraartarnermik Aqutsisoqarfik

Nalinginnaasumik:

- Akileraartarnermik Aqutsisoqarfimmi sulisut amerlanerulersimapput, assersuutissaqarlunili aamma akiitsut amerliartornerinik. Amerlanerusunik sulisoqalersimaneq suliassaqarfimmut sunut tunngava, 2016-imilu sulisoqarnerulersimaneq qanoq sunniuteqarsimava?
  - *Ilumoorpoq Akileraartarnermik Aqutsisoqarfik ukiuni kingullerni amerlanerusunik sulisoqalernissanut annertunerusumik aningaasaliiffigineqartarsimammatt, taakkuli akitsuusiisarnermut tunngasunut toqqaanartumik atugassanngortinneqartarsimapput aammalu inatsisartut*

*pensionisianik ileqqaartalernissamut inatsimmik atuutilersitsinerisigut utoqqalinersiutisialinnut allaffittaap pilersinneranut atorineqarsimallutik.*

- *Akilerartarnermik Aqutsisoqarfiup akiliisitsiniartarnermut tunngatillugu suliani 2016-ip ingerlanerani annertusisimavai nutaanik atorfinitsitsinermigut, taamaasillunilu 2016-ip naalernerani sulisut nutaat 5-it atorfinitsinneqarsimallutik. Ilaatigut suleriaatsit allannortinnerisigut aammalu sulisut 2016-ip ingerlanerani soraarsimasut piginnaasalinnillu qinnuteqartoqarsimanninnerata kingunerisaanik atorfiit inuttaleqqinneqarsinnaasimannigitsut allanik taarserneqarnerisigut. Taamaasilluni suliassaqarfik amerlanerusunik sulisoqalernermigut nukittorsaaffigineqarpoq.*

**! Kukkunersiuinermut Ataatsimiititaliap akissut tusaatissatut tiguaa.**

- Greenland Holdingimit iluanaarutinit pissarsiassat saniatigut Pituffimmi kiffartuussinissamik isumaqatigiissutip annaaneqarnerata malitsigisaanik toqqaannartumik toqqaannangitsumillu akileraarutit annaaneqartussat qanoq annertutiginissaat nalilerneqarpa?
  - *Pituffimmi kiffartuussinissamik isumaqatigiissut 2017-imi allamut tunniunneqarpoq, taamaasillunilu isertitassanit annaasaqartoqarsimanagera paasineqarsinnaanngikkallaruni. Akilerartarnermik Aqutsisoqarfiup 2017-imi isertitassaminit 2016-imut sanilliullugu 40 mio. kr. pallillugit annaasaqarnissaa naatsorsuutigineqarpoq, 2018-imilu 2016-imut sanilliullugu 100 mio. kr. pallillugit isertitassaraluanit annaasaqarnissaa naatsorsuutigineqarluni. Akilerartarnermik Aqutsisoqarfiup nalilersuinermigut erseqqissaatigaa kisitsisit mianersortumik tiguneqartariaqartut, sullissinissamik isumaqatigiissutit pisoqqat nutaallu Akilerartarnermik Aqutsisoqarfimmit ilisimaneqanngimmata aammalu Pituffimmi suliassanik tunniussiniarnermi pissutsit ataasiakkaat ilisimaneqanngimmata. kisitsisini Greenland Holding A/S-imit agguagarsiassat annaaneqartut ilaatinneqanngillat.*

**! Kukkunersiuinermut Ataatsimiititaliap akissut tusaatissatut tiguaa.**

#### 24.01.15 Pisassanut siusinnerusukkut isumakkiikkanut akiliutit

- Immikkoortukkuutaarlugit takussutissioqquneqarpoq – pingaarnerit siulliullugit – akiitsut annertusiartornerat illuatungilerniarlugu suliniutinik erseqqissunik sunik aallartitsisoqarsimanersoq?
  - *Akiliisitsiniartarnerit qitiusumit ingerlanneqalernerisa kingorna Akilerartarnermut Aqutsisoqarfiup suliani pitsanngorsaaffigalugillu siunnerfilersorsimavai. Suliniutit ataasiakkaat imminnut naleqqersorlugit inissitsiterniarnissaat Naalakkersuisut ajornakusoortippaat, taamaattorli erseqqissaatigissalluguli siunissami*



30.10.46 Qitiusumik Siunnersuisarfik

- Atorfiit suut qanorlu qaffasissusillit inuttaqarsimangillat, tamannalu ingerlatsinermut sunniuteqarsimava?
  - o *Kontumi pingaarnermi 30.10.46 atuinikinnerunermut patsisaanerpaavoq Qitiusumik Siunnersuisarfiup 2016-ip ingerlanerani siunnersortitut atorfiit pingasut missingersuutigisimammagit taakkuli ukiup ingerlanerani inuttalernerqarsimanatik. Siunnersortitut atorfiit sulisunit isumaginninnermik sulianik ilisimasaqartunit inuttalernerqartussaapput ajornangippat isumaginninnermi siunnersortinit taakkulu kommunit imikkut ikiortariallit ilaatigut sullittartussaallugit.*
  - o *Taakku ingerlatsineq kalluarpaat pikkorissarnissat arlallit taamaatittariaqarsimammata kommuninilu ikortarialinni sulianik sularinnittarnissaq tunulliuqqartariaqartarsimammata. Taamaasilluni Qeqqata Kommuni, Qaasuitsup Kommuni, Kommuniarfik Sermersuumilu suliasat amerlavallaarnerisa kingunerisaanik Qitiusumik Siunnersuisarfik kissaatigineqartutut ikiuussinnaasimangilaq.*

! Kukkunersiuinermut Ataatsimiititaliap akissut tusaatissatut tiguaa ilisimatitsissutitullu Ilaqutariinnermut Peqqissutsimullu Ataatsimiititaliaq qulaani apeqquummik akissummillu eqqumaffigineqqullugu.

34.11.03 Dronning Ingridip Napparsimavissua

- Aningaasartuutit suut annertunerpaamik qaffassimappat qanorlu annertutigisumik. Tamanna immikkut pissuteqarsinnaava?
  - o *Kontumi pingaarnermi 34.11.03 Dronning Ingridip Napparsimavissuani aningaasanut inatsimmi aningaasaliissutigineqarsimasunit 2016-ip naanerani 15,2 mio. kr.-inik atuinerusimavoq. Konto 2016 ingerlanerani peqqinnissaqarfiup iluani aningaasaliissutinik missingersuutinut sunniuteqartussaangitsumik nikisiterinikkut 5,5 mio. kr.-inik aningaasaliiffigineqarpoq, aningaasaliissutinullu tamarmiusunut sanilliullugu kontumi taamaasilluni tamakkiisumik 9,7 mio. kr.-inik atuisoqarnerusimalluni.*
  - o *Konto pingaarneq 34.11.03 Dronning Ingridip Napparsimavissua ukiuni kingullerni 8-10-ni ukiut tamaasa 8-13 mio. kr.-it akornanni aningasanut inatsimmi aningaasaliissutigineqarsimasunut sanilliullugu atuiiffiunerusarsimavoq. Tamatumunnga ilaatigut patsisaavoq katsorsaanerit nunatsinnut nuutserneqarneri, nunap immikkoortuini suliart annertusiartorneri taakkulu DIN-imut sunniuteqartarlutik. Tamatuma saniatigut DIN atorfinitsitsiniartarnermut tunngatillugu tatisimaneqarpoq, tamatumalu kingunerisaanik amerlasuut piffissami sivikitsumi atorfinitsinneqartariaqartarlutik.*

! Kukkunersiuinermut Ataatsimiititaliap akissut tusaatissatut tiguaa.

40.01.01 Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoqarfik

- Annerusunik workshoppertitsisimannginnerit 2017-imi ingerlataqarnerunermik kinguneqassappat?
  - o *Suleqatigiinnissamik isumaqatigiisummut tunngatillugu suliamut atatillugu isumasioqatigiinnissaq 2016-imit 2017-imut kinguartinneqarpoq. Suliassat 2017-imi nalinginnaasumik annertussuseqarnissaat naatsorsuutigineqarpoq. Tassalu suliassat 2016-imut sanilliullugit annertunerussapput.*

! Kukkunersiuinermut Ataatsimiititaliap akissut tusaatissatut tiguaa.

40.90.10 CopyDanimut isumaqatigiissut

- Aningaasanut inatsimmi takuneqarsinnaavoq akitsuut ilinniartumut ataatsimut aalajangersimasuusooq. Nikingassut ilinniartussatut naatsorsuutigisat taamaaqataannik ikileriarnissaannik naatsorsuuteqarnermik pissuteqarpa?
  - o *Naagga. Meeqqat atuarfiani atuartut amerlassusaat 2015-imit 2016-imut 1 %-imik ikileriarsimapput. 2015-imi naatsorsuutit takutippaat annikinnerusumik atuisoqarsimasooq taamaattumillu 2017-imissaaq atuinikinnerusoqarnissaa naatsorsuutigineqarsinnaalluni.*
- Atuartut 1 %-iinnarmik ikileriarsimappata atuartullu ataasiakkaarlugit akilerneqartarpa, taava suna atuinikinnerunermut pissutaava?
  - o *Copydanimut isumaqatigiissut naapertorlugu akiliutaasartut assigiinngitsut pingasuupput, meeqqat atuarfiannut, ilinniarnertuunngorniarfinnut inuussutissarsiutinullu ilinniartitaanernut kiisalu ilinniartitaanernut ingerlaqqiffiusunut. Atuinikinnerunermut pissutaavoq suliassaqarfinni akisunerni ilinniartut ikinnerungaatsiarsimanagerat.*

! Kukkunersiuinermut Ataatsimiititaliap akissut tusaatissatut tiguaa.

51.07.40 Taarsigassarsiarititit ernialersugaanngitsut akilersuutitaqanngitsullu kiisalu 51.07.42 Taarsigassarsiat erniallit

- Naatsorsuutitut nassuiaatini kukkusumik inissiisoqarsimanagera atuinikinnerunermut pissutaatinneqarpoq. Kontuni pineqartuni marlunni tamani oqaatigineqarpoq atuineq kukkusumik inissitat amerlaqataannik annertunerussusaagaluartoq? Tamatuma, naatsorsuineq ilanngullugu, itisilerneqarnissaa kissaatigineqarpoq.
  - o *Ajoraluartumik kukkusooqarsimavoq naatsorsuutitut nassuiaatit kingulliit Nunatta karsiata 2016-imi naatsorsuutaanut ilanngunneqarsimanngimmata. Naatsorsuutitut nassuiaativitit tullinnguuttuni atuarneqarsinnaapput. Maannakkut kontumi pingaarnermi annikinnerusumik atuisoqarsimavoq. Atuinikinneruneeq pingaartumik innersuunneqassaaq nunalerinermik inuussutissarsiuteqartunit*

*piumasoqartoqarsimanninnera, tamannalu qularnanngitsumik nassuiarneqarsinnaassaaq 10 %-imik namminerisamik aningaasaliinissamut piumasaqaammik eqquutsitsiniarnermut ajornartorsiuteqarsimanerit.*

! Kukkunersiuinermut Ataatsimiititaliap akissut tusaatissatut tiguaa.

#### 66.01.01 Aatsitassanut Aqutsisoqarfik

- Atorfiit suut qanorlu qaffasissusillit inuttaqarsimanngillat, tamannalu ingerlatsinermut sunniuteqarsimava?
  - o *Pingaarnertut oqaatigineqarsinnaavoq immikkoortortaqaqarfimmi pisortaq ukioq naallugu aqutsisoqarfimmi pisortatut atorfeqartinneqarsimanagera. Tamatuma kingorna immikkoortortaqaqarfimmi pisortamik atorfinitsitsisoqarsimanngilaq, taamaattorli naalakkersuisoqarfimmi pisortamik suliassat avitseqatigiiffigisarnissaanik isumaqatigiissuteqartoqarsimavoq, taamaasiornikkut aqutsisoqarfimmi pisortap angalasarnissaa pinngitsoortinniarlugu. Suliassat naammassineqartarnerinut tamanna toqqaanartumik sunniuteqarsimanngilaq. Tamatuma saniatigut fuldmægtigitut atorfiit piffissap ilaani inuttalerneqarsimanngillat. Tamatumunnga patsisaaneraaq sulisussanik piukkunnartunik atorfinitsitsisinnaasimannginneq, tamatumalu saniatigut atorfinitsinneqartussatut inassutigineqartut arlallit ima kingusinaartigalutik piumajunnaartarsimapput, atorfinitsitsinissamut suliat aallaqqaataaniit aallartinneqartariaqartarsimallutik. Tamannalu nalinginnaasumit suliassaqarnerusimanermik soorunami kinguneqarpoq. Tamakkiisumik isigalugu suliassanik naammassinnissinnaaneq killeqarsimavoq, tamatumalu kingunerisaanik atorfiit inuttalerneqarsimanngitsut ikittuunissaat annikitsuunissaallu soorunalumi kissaatiginarluni.*
- Arlallit taama kingusitsigisukkut piumajunnaartarnerat erseqqissumik pissuteqarpa?
  - o *Taamak kingusitsigisukkut piumajunnaartoqartarneranut patsiserpiaasut ilisimanngilagut.*

! Kukkunersiuinermut Ataatsimiititaliap akissut tusaatissatut tiguaa.

#### 66.01.05 Pisortatigoortumik suliarinninnerit isertitatigut matussusikkat

- Aningaasanut inatsit naapertorlugu piffissami ukiunik arfinilinnik sivisussusilimmi oqimaaqatigiittoqartussaavoq. Peqatigitillugu susassaqaqtunit assigiinngitsorpassuarnit ikorfartuutaasunik assigiinngitsunik siunertalinnik avataanut suliaqartitsinernut aningaasartuutitut utertitsisoqarsinnaatitaavoq. Atuisut akiliutaasa annertussusiata tamatumalu kingorna (pituttuisumik) oqartussat suliarinninnerata akornanni oqimaaqatigiinneq qanoq qularnaarneqarsinnaava, sillimmatinik annertuunik uninngasuuteqalernissaq siunissamiluunniit matussuserneqarsinnaanngitsumik pisussaaffeqalernissaq pinngitsoortinniarlugit?

- *Akiligassat akilernissaat tamatumalu kingorna oqartussaasutut suliarinninnermut tunngatillugu atuinerit siumut oqimaaqatigiissinnissaat ajornartorujussuuvoq. Akiligassanut akilerneqarsimasunut tunngatillugu ilaatigooriarluni "sinneqartoortoqartarpoq" ingerlatseqatigiiffinnili sulilluartuni akiligassat siumoortumik akilikkat pisortatut suliassat suliarineqarnerinut aningaasartuutitut matussutigissallugit naammaneq ajorput. 2007-imi 2008-milu uuliasiortitseqatigiiffinnut suliarinnittussarsiuussinermi akuerineqartut ilaat akuersissuteqarfusup annertussusaa apeqqutaalluni ukiumut aalajangersimasumik akiliuteqartarput. Akuerissutit utertiortorneri naapertorlugit kontumi pingaarnermi sillimmatit "pitsaasumik" annertusiartorsimapput. Ilutigalugu erseqqissaatigineqassaaq ikummatissanut tunngatillugu akuersissutitut tamanut suli akiliuteqartoqartartussaammat, pisortatulli suliassat suliarinerinut akiliutit nungussimatillugit pisortatut suliassanut aningaasartuutit qaammatit pingasukkaarlugit akiligassiissutigineqarsinnaasarput. Tassalu akuersissutitut ataasiakkaanut "konto" qaammatit pingasunngoraangata nulinngortarpoq.*

! Kukkunersiuinerimut Ataatsimiititaliap akissut tusaatissatut tiguaa.

#### 66.01.06 Ikummatissanut tunngatillugu ilisimatusaatissatut ineriartortitassatullu suliniutit

- Sillimmatit immikkoortinneqarsimasut annertussusissaat naapertorlugu siumut akiliutit pisussaaffillu oqimaaqatigiippat, siunissarlu ungasinnerusoq eqqarsaatigalugu atuisut akiliutaasa, sillimmatit immikkoortitat oqartussallu suliarinninnerannut pisussaaffiit akornanni oqimaaqatigiinneq qularnaarneqarsinnaava (ajutoortoqariataarsinnaaneraniq aqutsineq)?
  - *Ikummatissanik ujaasinissamut atuinissamullu akuersissuteqarnermut atatillugu akuersissuteqarnermi piumasaaqatini isumaqatigiissutigineqartarpoq suliniutit assigiinngitsunut aningaasat qanoq annertutigisut illikartinneqassanersut, taakkualu annertunersaat pinngortitamut avatangiisinullu attuumassuteqartarput. Suliniutit ilaat siumoortumik isumaqatigiissuteqarfineqartarput aammali suliniutit sorliit aningaasaliissutigineqartunit aningaasalersorneqassaneri kingusinnerusukkut isumaqatigiissutigineqarsinnaasarluni. Ingerlatseqatigiiffiit ilaasa aningaasat atugassatut isumaqatigiissutigineqarsimasut ilaat tamaalluunniit siumut akilereernissaat kissaatigisarpaat, tamannalu kontup pingaarnerup pilersinneqarneranut patsiserpiaavoq. Taamaattumik pineqartut aarlerinartut isigineqarsinnaanngillat, uani aningaasat siumoortumik akilerneqarsimasut pineqarmata suliniutissallu isumaqatigiissutigineqarsimasut naapertorlugit ingerlaavartumik aningaasaliissutigineqartartussat.*

! Kukkunersiuinerimut Ataatsimiititaliap akissut tusaatissatut tiguaa.



70.01.01 Kommunitut, Nunaqarfinnut, Isorliunerusunut, Attaveqarnermut Ineqarnermullu Naalackersuisoqarfik

- Konto pingaarnermut naatsorsuutitut nassuiaatini oqaatigineqarpoq kukkusumik naatsorsuutitut nalunaarsuisimaneq pineqartoq, tamannalu naatsorsuutitut kukkuneqalernerannik kinguneqarsimasoq. Naatsorsuutitut kukkusumik nalunaarsuisimanerit qanoq annertutigisut pineqarpat siunissamullu isigisumik tamanna qanoq pinngitsoortinniarneqarpa?
- Atorfiit inuttaqanngitsut Naalackersuisoqarfimmi ingerlatsinermut sunniuteqarsimappat?
  - o *Naalackersuisoqarfimmi namminerimi akissarsiat ilanngaatitaqanngitsut allattorsimaffisa missingersuutitigut malitseqartinneqarneri pillugit periusissanik nutaanik pilersitsisoqarpoq siunissami taamatut kukkusoqaqqinnginnissaa anguniarlugu. Akissarsianut missingersuutit Naalackersuisoqarfimmi massakut qaammatikkaartumik naligiisinneqarlutillu oqimaaqatigiissaarneqartalerput akissarsiallu ilanngaatitaqanngitsut allattorsimaffii allatut nalunaarsorneqartartussaattillugit Akissarsialeriffik ilisimatinneqartarluni.*
  - o *Naalackersuisoqarfiup allattoqarfiani aningaasanut tunngasut suliarineqartarfiani atorfiit inuttaqanngitsut arlaliusimapput tamannalu naalackersuisoqarfiup aningaasanik aqutsineranut sunniuteqarsimalluni. Kukkusumik nalunaarsuisarmanerit taakkulu malitseqartinneqartarneri pillugit siuliani allaaserisat ilaatigut ingerlatsinermut suliassallu ineriartortitassat naammattumik nakkutarinerineqarsimanninnerinik kinguneqarpoq, naalackersuisoqarfillu suliassanut naalackersuinikkut atugassanik, tusagassiuutinit innuttaasunillu saaffiginnissutinik suliaqarnissaminut tatisimaneqarsimalluni. Ilaasunik assartuinerimi sullissinissamik isumaqatigissutinut tunngatillugu tamanna immikkut malunnarsimavoq.*

! Kukkunersiuinermut Ataatsimiititaliap maluginiarpa akissarsianut tamarmiusunut takussutissiat eqqarsaatigalugit sukaterisoqarsimasoq, aamma imm. 3.2.3 takuuk. Atorfiit inuttaqanngitsut eqqarsaatigalugit imm. 4.1-imi ataatsimiititaliap kaammattuutaanut ataatsimiititaliap taamatuttaaq innersuussivoq. Tassani kaammattuutigineqarpoq nalinginnaasumik naatsorsuutitut nassuiaatini ilanngunneqartassasoq atorfiit suliassallu sordiaat inuttalerneqarsinnaasimanninnerisut, taamatullu aamma tamanna suliffeqarfiup suliassaasa pingaarnertit naammassiniarnerinut sunniuteqarsimanersoq.

77.05.07 Avatangiisit innarlitsaaliorneqarnerat

- Naatsorsuutitut nassuiaatini oqaatigineqarpoq, "atuinerusoqarneranut pissutaavoq XAL-imi oqimaaqatigiissitsineq/aningaasaliissutit suli misissuiffigineqarsimannimmata, tamatumunngalu pissutaapput ilassutitut aningaasaliissutit 213.000 kr.-init

Aningaasaqarnermut Ataatsimiititaliamit ulloq 5. oktober 2016-imi (2016-736) akuersissutigineqartut kingunerannik, taakkulu 77.03.03-mi akiligassat akilernissaannut atorneqartussat (nakkutilliisoqarnermut)”. Oqimaaqatigiissitsinnginnerup, ilassutitut aningaasaliissuteqarnerup taakkulu kontunut 77.03.03-mut 77.05.07-imullu sunniutaasa akornanni ataqatigiinneq suua? Kontunut pineqartunut tamanut kisitsisit nalunaarutigineqartut aallaavigalugit sukumiinerusumik nassuiaqquneqarpoq.

- **77.03.03 Ilulissat Kangia, Ilua Timaalu - Nunarsuarmit kingornuttagaata nakkutigineqarnera pillugu akissut**  
2015-imi allaffissornermi teknikikkut kukkusoqarsimavoq, tamatumalu kingunerisaanik kontumi pingaarnermi 77.03.03 Ilulissat Kangia, Ilua Timaalu, Nunarsuarmit kingornuttagaata nakkutigineqarneranut aningaasaliissutit Qaasuitsup Kommunanut pilersaarutaasutut tunniunneqarsimanatik. Tamatuma kingunerisaanik 2016-imi 213.000 kr.-inik ilassutitut aningaasaliisoqarnissaanik qinnuteqartoqarpoq. 2017-imut aningaasanut inatsisissap suliarineranut atatillugu Aningaasaqarnermut Naalakkersuisoqarfiup kaammattuuteqareerneratigut kontup pingaarnerp 77.03.03 Ilulissat Kangia, Ilua Timaalu, Nunarsuarmit kingornuttagaata nakkutigineqarneranut aningaasaliissutit 20.05.20 Kommuninut ataatsimoortumik tapiissutinut nuunneqarnissaat aalajangiunneqarpoq, taamaasiornikkut annikinnerusumik allaffissortoqarsinnaalissammat.
- **77.05.07 Avatangiisit innarlitsaaliornernut akissut**  
Ilassutitut aningaasaliissutit 5. oktober 2016 suliaq nr. 16-736 Aningaasaqarnermut Ataatsimiititaliamit akuerineqarmata kontumi pingaarnermi 77.05.07-imi annikinnerusumik atuisoqarnissaa naatsorsuutigineqareersimavoq. Ukiup naajartulernerani konto pingaarneq 77.05.07 imaqarsoralugu aningaasat atukkat konto 73.01.01 Avatangiisinut, Pinngortitamut Inatsisinillu Atuutsitsinermut Naalakkersuisoqarfimmit nuunneqarput,, tamatumali kingorna paasineqarluni aningaasat 213.000 kr.-iusut missingersuutinit peerneqarsimannngitsut taakku nammineerluni suliarineqartussaapput) taamaasillunilu kontumi pingaarnermi sippuilluni atuisoqarluni.

! Kukkuersiunermit Ataatsimiititaliap akissut tusaatissatut tiguaa.

#### 4.3 Kukkuersiunermit Ataatsimiititaliap apeqqutai allat

##### KNR pillugu

- KNR-ip illuutininik attartornerata killiffia pillugu naatsumik nassuiaateqartoqarnissaa kissaatigineqarpoq:
  - *KNR Issortarfimmi illuutininik marlunnik attartorpoq..*  
**Issortarfimmu 1A, B3973:**  
*Atorfissaa: Allaffiit, Radio- aamma TV aallakaatitassiorneq*  
*Piginnittoq: Michael Munck*

*Annertussusaa: 1.260 kvm.*

*Ineqarnermut qaammammut akiliutaasartut: 162.364,82 kr. 1. januar 2018  
aallartiffigalugu ininik attartornermut akiliut ukiumut 2%-imik qaffanneqartassaaq.  
Qularnaveeqqutissat 300.000 kr. akilerneqarput.*

*KNR-ip illut iluisa aserfallatsaaliorneri nammineq isumagisarpai.*

*KNR-ip makku pigisarai: Iserternissamut nalunaarusiaq, Attartornermut  
isumaqatigiissut, Attartornermut isumaqatigiissummut tunngatillugu ilanngussat  
tamaasa. Ajutoortoqarnerani generatori pillugu akuersissut.*

**Issortarfimmut 9, B3899:**

*Atorfissaa: Allaffiit, Radio- aamma TV aallakaatitassiorneq*

*Piginnittoq: Mogens Larsen (Larsen & co.)*

*Annertussusaa: 1.248 kvm.*

*Attartornermut qaammammut akiliut: 99.459 kr. Attartornermut akiliutaasartuq  
ukiut tamaasa naleqqussarneqartarpoq.*

*Qularnaveeqqutissat 155.850 kr.-iusut akilerneqarput.*

*KNR-ip illut iluisa aserfallatsaaliorneri nammineq isumagisarpai.*

- ! Kukkunersiuinermut Ataatsimiititaliap akissut tusaatissatut tiguua malugeqqussallugulu  
KNR-ip attartornermut aningaasartuutai attartornermullu atatillugu pisussaaffii allat  
ingerlatat ataatsimut katersorlugit illorsualiornissaq eqqarsaatigalugu isumaliutaasunut  
tunngavissaammata pingaarutilit.

Nukissiorfiit

- Illoqarfinnut/nunaqarfinnut tamanut agguataarinermut naatsorsuutit excelinngorlugit  
tunniunneqarnissaat Kukkunersiuinermut Ataatsimiititaliap kissaatigaa, taakkununnga  
ilanngullugit imeq innaallagiarlu atorneqarsimasut, taakkununnga isertinneqarsimasut  
naatsorsuutit kiisalu taakku tunngavigalugit matusissutissat pissarsiarineqarsimasut.  
(Naatsorsuutit excelinngorlugit ilanngussaq 6-ip ilaatut ilanngunneqarput).
- ! Kukkunersiuinermut Ataatsimiititaliap kaammattuutigaa Nukissiorfinnut agguataarinermut  
naatsorsuutit Nukissiorfiit ukiumoortumik naatsorsuutaanut ilanngullugit  
naqiterneqartarnissaat, taamaaliornikkut naatsorsuutit paasiuminarnerulissammata.
- Kukkunersiuinermut Ataatsimiititaliap sulisoqatigiinnut immikkoortunut aningaasarsiat  
immikkoortui amigaatigineqartut iluarsissuteqarfigineqartullu naatsumik  
nassuiaateqarfigineqarnissaat kissaatigaat, ilanngullugulu paaserusullugu Nukissiorfinni  
sulisoqatigiinnut immikkoortunut allanut taamaattoqarsinnaanera  
annilaangatigineqarsinnaanersoq.

- *Nukissiorfiit maskinmesterinut tunngatillugu akissarsiat aaqqiiffigisimavai. Tamatumunngalu Naalackersuitut Maskinmestrenes Foreningillu isumaqatigiissutaata imarisai siusinnerusumut sanilliullugu allatut nalilerneqarsimanera patsisaavoq. Tassunga tunngatillugu erseqqissaatigineqassaaq Nukissiorfiit sulisullu pineqartut isumaqatigiissutip imarisaa assigiimmik paasisimagaluarmassuk, taannali kingusinnerusukkut paasineqarpoq kukkususoq. Isumaqatigiissutigineqartuni periutsit kingunerisaanik isumaqatigiissutit nutaat allanngortinneqartariaqartarlutillu aaqqiivigineqartariaqartarput. Akissarsiat pillugit isumaqatiginninniartarnerit ingerlaavartut kingunerisaanik akissarsiat aaqqiivigineqartartussaassapput taakkuli Maskinmestrenes Foreningimik isumaqatigiissuteqartunut aaqqiissutitut annertutiginaaviangillat.*

! Kukkunersiunermit Ataatsimiititaliap akissut tusaatissatut tiguaa.

**5. Nunatta Karsiata naatsorsuutaanik kukkurersiuisussatut ataatsimiititaliap inassuteqaataa**

Inatsisartut Suleriaasianni § 25, imm. 2 naapertorlugu Kukkurersiuiinermut Ataatsimiititaliap inassuteqarneratigut Nunatta Karsiata naatsorsuutaanik kukkurersiuisussaq Inatsisartunit toqqarneqartarpoq.


Kukkurersiuisoqatigiiffik naalagaaffimmit akuerisat Deloitte Nunatta Karsiata 2017-imut naatsorsuutaanik kukkurersiuisussatut Inatsisartunit toqqarneqassasoq Kukkurersiuiinermut Ataatsimiititaliap 2016-imi ukiakkut ataatsimiinnermi inassutigaa, Inatsisartunit akuersissutigineqartumik. Tamatuma kingorna Nunatta Karsiata 2018-imut naatsorsuutaanik kukkurersiuisussaq Kukkurersiuiinermut Ataatsimiititaliamit inassutigineqassaaq:

Kukkurersiuisoqatigiiffik naalagaaffimmit akuerisat Deloitte Nunatta Karsiata 2018-imut naatsorsuutaanik kukkurersiuisussatut Inatsisartunit toqqarneqassasoq Kukkurersiuiinermut Ataatsimiititaliap Inatsisartunit inassutigaa.

**6. Nunatta Karsiata 2016-imut naatsorsuutaasa akuerineqarnissaat pillugu inassuteqaat**

Nunatta Karsiata 2016-imut naatsorsuutaasa Inatsisartunit akuerineqarnissaat pillugu aalajangiiffigisassatut siunnersuut akuerineqassasoq **ataatsimiititaliamit isumaqatigiittumit inassutigineqarpoq.**

Taama oqaaseqarluni Kukkunersuinermit Ataatsimiititaliap siunnersuut aappassaaniigassanngortippaa

  
Anthon Frederiksen,  
Siulittaasoq

  
Michael Rosing

  
Ineqi Kielsen

  
Knud Kristiansen

  
Debora Kleist

  
Villy Olsvig

  
Hans Aronsen

Ilanngussanut takussutissiaq:

Ilanngussaq 1: Kukkunersiuisut nalunaarutaat, Nunatta Karsia 2016.

Ilanngussaq 2: Kukkunersiuisut nalunaarutaat, Asiaq 2016.

Ilanngussaq 3: Kukkunersiuisut nalunaarutaat, Mittarfeqarfiit 2016.

Ilanngussaq 4: Kukkunersiuisut nalunaarutaat, Nukissiorfiit 2016.

Ilanngussaq 5: Kukkunersiuisut nalunaarutaat il.il. pillugit ataatsimiititaliap apeqqtai Naalakkersuisullu akissutaat.

Ilanngussaq 6: Naatsorsuutitut nassuiaatit il.il. pillugit ataatsimiititaliap apeqqtai Naalakkersuisullu akissutaat.